

**Qitiusumik Inunnik Nalunaarsuiffik pillugu inatsimmik, Kalaallit
Nunaanni folketingimut qinersisarneq pillugu inatsimmik aamma
Folketingimut qinersisarneq pillugu inatsimmik allannguneq pillugu
inatsimmut siunnersuut**

(Inunnut, Kalaallit Nunaanni Namminersorlutik Oqartussanit imaluunniit
qallunaat naalagaaffiannit, naalagaaffiup avataanut suliartoqqusaasunut,
Danmark-imi aamma Kalaallit Nunaanni folketingimut qineqqusaartut
allattorsimaffiannut ilanngunneqarnissamut, Danmark-imi aamma
Kalaallit Nunaanni najukkamik nalunaarsuineq il.il.)

§ 1

Inatsisikkut nr. 1834, 8. december 2020-meersukkut, aamma nr. 2604, 28.
December 2021-meersukkut kiisalu § 7, inatsimmi nr. 227, 15. Februar
2022-meersukkut allanngortinneqartoq inatsimmik nalunaarut nr. 1297, 3.
september 2020-meersoq naapertorlugu Qitiusumik Inunnik
Nalunaarsuiffik pillugu inatsimmi, ima allannguisoqassaaq:

1. § 24, imm. 5-imi, oqaaseqatigiit aappaattut ikkunneqarput:

»Inunnut Kalaallit Nunaanni Namminersorlutik Oqartussani atorfilinnut
aammalu naalagaaffiup avataanut suliartoqquneqartunut, taamatuttaaq
atuuppoq«.

2. § 24, imm. 6, pkt.1-imi, aamma § 24, imm. 9, 1.pkt-mi »katinnissamut imaluunniit aappariittut nalunaarsugaanissamut piumasaqaatinik naammassinnittut« allanngortinneqarpoq imaalillugu: »katinnissamut piumasaqaatinik naammassinnittut«.

3. § 60, imm. 1-imi, oqaaseqatigiit aappaattut uku ikkunneqarput:

»§ 24, imm. 5 aamma 6, oqaaseqatigiinni siullerni allassimasut malillugit Kalaallit Nunaannut atuutilersinneqarsimanngitsut, Kalaallit Nunaanni pissutsit apeqqutaatillugit allannguutitalerlugit Kunngip peqqussutaatigut Kalaallit Nunaannut atuutilersinneqarsinnaapput.«

§ 2

Kalaallit Nunaanni folketing-imut qinersisarneq pillugu inatsimmi tak. Inatsisitigut nalunaarut nr. 2241, 25. November 2021-meersumi, ima allannguisoqassaaq:

1. § 3-mi imm. 1-i sioqqullugu immikkoortutut nutaatut ikkunneqarpoq:

»Inuit, Kalaallit Nunaanni Namminersorlutik Oqartussanit atorfeqartinneqartut, naalagaaffiullu avataanut suliartoqqusaasimasut, aappaasullu inunnik taakkuninnga inooqateqartut, naalagaaffimmi najugaqavissutut isigineqarput. Taamatuttaaq qallunaat naalagaaffiannit atorfeqartinneqartunut, naalagaaffiullu avataanut suliartoqqusaasimasunut, aappaasunullu inunnik taakkuninnga inooqateqartunut, atuuppoq.«

Imm. 1 aamma 2 tamatuma kingorna imm. 2 aamma 3-nngussapput.

2. § 3, imm. 1-imi, imm. 2-nngortumi, »isigineqassaaq« sioqqullugu ikkunneqarpoq: »taamatuttaaq«.

3. § 3, imm. 2-mi, imm. 3-nngortumi, »imm. 1-i naapertorlugi« allanngortinneqarpoq imaalillugu: »imm. 1-i aamma 2 naapertorlugit«.

4. § 14-imi »Nuuk (Godthåb) Kommune« allanngortinneqarpoq imaalillugu: »Kommuneqarfik Sermersooq (Sermersooq Kommune)«.

5. § 15, imm. 1, oqaaseqatigiinni siullerni, aamma imm. 2, oqaaseqatigiinni siullerni, »§ 3-mut ilaatinneqartoq,«-p kingorna ikkunneqarpoq: » nunani allaniinnermut atatillugu Qitiusumik Inunnik Nalunaarsuivimmi (CPR-imi) aallaqqasutut nalunaarsugaasoq,«.

6. § 15, imm. 2, oqaaseqatigiinni siullerni, § 16, imm. 3, oqaaseqatigiit aappaanni, aamma § 18, imm. 3, oqaaseqatigiini siullerni, »Nuuk Kommune« allanngortinneqarpoq imaalillugu: »Kommuneqarfik Sermersooq (Sermersooq Kommune)«.

7. § 15, imm. 2, oqaaseqatigiit aappaanni, » Kalaallit Nunaanni Namminersornerullutik Oqartussat Akileraartarnermut Pisorta qarfiat« allanngortinneqarpoq imaalillugu: »Akileraartarnermut Aqutsisoqarfik (Kalaallit Nunaanni Namminersorlulik Oqartussat Akileraartarnermut Aqutsisoqarfia)«.

8. § 15-imi imm. 2-p kingorna immikkoortutut nutaatut ikkunneqarput:

»Imm. 3. Qinersisartut, imm. 1, oqaaseqatigiinni siullerni allassimasut naapertorlugit § 3, tak. § 3, imm. 1, oqaaseqatigiinnut siullernut, imaluunniit § 3, imm. 3-imut ilaatinneqartut, aammalu naalagaaffiup avataanut suliaartortitaanerup nalaani, Danmark-imi kommunimi Qitiusumik Inunnik Nalunaarsuivimmi najugaqartutut nalunaarsugaasut, qinnuigineqarneq malillugu, kingullermik Qitiusumik Inunnik Nalunaarsuivimmi (CPR-imi) najugaqartutut nalunaarsorneqarfigisimasaminni, Kalaallit Nunaanni kommunimi qinigassat allattorsimaffiannut ilanngunneqassapput. Ilanngunneqarnissaq pillugu qinnuteqaat, kommunimi pineqartumi kommunalbestyrelsimut tunniunneqassaaq, naalagaaffimmilu tamarmi ingerlanneqartuni qinersinerni aamma inuit qinersisinneqarneranni, qinnuteqartup, taamaallaat Kalaallit Nunaanni taasiumanera pillugu nalunaarummik imaqqassalluni.«

Imm. 4. Qinersisartoq, imm. 3-mut ilaatinneqartoq, kommunit agguarneqarnerisa avataanni Kalaallit Nunaanni sumiiffinni kingullermik najugalittut nalunaarsugaasimaguni, qinersisartoq, qinnuteqarneq malillugu Kommuneqarfik Sermersuumi (Sermersooq Kommunimi) qinigassat allattorsimaffiannut ilanngunneqassaaq. Ilanngunneqarnissaq pillugu qinnuteqaat Akileraartarnermut Aqutsisoqarfimmi (Kalaallit Nunaanni Namminersorlutik Oqartussat Akileraartarnermut Aqutsisoqarfianni) inunnik nalunaarsuisarfimmut tunniunneqassaaq, naalagaaffimmilu tamarmi ingerlanneqartuni qinersinerni aamma inuit qinersisinneqarnerini, qinnuteqartup, taamaallaat Kalaallit Nunaanni taasiumanera pillugu nalunaarummik imaqaassalluni.«

Imm. 3-5-imut tamatuma kingorna imm. 5-7-imunngussapput.

9. § 15, imm. 3-mi, imm. 5-inngortumi, »"Qinnuteqaat" «-ip siornagut:
»"Imm. 1-4-mut malillugit«" ikkunneqarpoq.

10. § 26, imm. 3-mi, oqaaseqatigiit pingajuattut aamma sisamaattut tulliuuttut ikkunneqarput: »Kinaluunniit Kalaallit Nunaanni, tamatumunngalu peqatigitillugu naalagaaffiup sinnerani qinigassanngortissinnaanngilaq. Oqaaseqatigiinni siullerniit pingajuannut allassimasunut akerliusumik iliorsimasumik taasineq atunngitsuutinneqassaaq.«

§ 3

Inatsimmik nalunaarut nr. 1260, 27. august 2020-meersoq, kingullermik allanngortinneqartoq inatsisikkut § 1-ikkut inatsimmi nr. 2599, 28.december 2021-meersumi folketingimut qinersineq pillugu inatsimmi, ima allannguisoqarpoq:

1. § 2, imm. 1-imi, oqaaseqatigiit aappaattut tulliuuttut ikkunneqarput:

»Taamatuttaaq kalaallit Nunaanni Namminersorlutik Oqartussanit atorfeqartitaasunut inunnut aammalu naalagaaffiup avataani suliaartortitaasunut, tamanna atuuppoq.«

2. § 2, imm. 4, nr. 2-mi, aamma § 96 a, imm. 5, nr. 2-mi atorunnaarsinneqarpoq: »nalunaarsugaasumik aapparinnissamut«.

3. § 16, imm. 1, oqaaseqatigiit aappaat, atorunnaarsinneqarpoq.

4. § 16-ip kingornagut tulluittut ikkunneqarput:

»§ 16 a. Qinersisartut, § 2, imm. 1, oqaaseqatigiinnut siullernut, imaluunniit § 2, imm. 1, oqaaseqatigiinni siullerni allassimasut naapertorlugit § 2, imm. 4-mut ilaatinneqartut, naalagaaffiullu avataani suliaartortitaanerup nalaani, Savalimmiuni inuttut nalunaarsugaasut imaluunniit Qitiusumik Inunnik Nalunaarsuivimmi (CPR-imi) Kalaallit Nunaanni najugaqartutut nalunaarsugaasut, qinnuteqartoqarnera malillugu, kingullermik Qitiusumik Inunnik Nalunaarsuivimmi (CPR-imi) najugaqartutut nalunaarsugaaffigisimasami Danmarkimi kommunimi qinigassat allattorsimaffiannut ilanngunneqassapput. Qinnuteqaat, naalagaaffiup iluani pissutsinut aamma ineqarnermut ministerimit akuerisaasumi imersugassiami allattugaalluni, kommunalbestyrelsimut tunniunneqassaaq, naalagaaffimmilu tamarmi ingerlanneqartuni qinersinerni aamma inuit qinersisinneqarnerini, qinnuteqartup, taamaallaat Danmark-imi taasiumanera pillugu nalunaarummik imaqassalluni.

Imm. 2. Qinersisartuq imm. 1-imut ilaatinneqarnersoq nalornissutigineqarpat, taamaallaat pisuni ataasiakkaani tamani imm. 1-imi piumasagaatinik naammassinnittutut Qinersinermut Ataatsimiititaliamit isigineqarpat, qinersisartuq qinigassat allattorsimaffiannut ilanngunneqarsinnaavoq.

Imm. 3. Imm. 1-imut ilaatinneqartumik qinersisartumik qinigassat allattorsimaffiannut ilanngussineq pillugu aalajangiineq, ullormi aalajangiiviusumiit ukiuni marlunni atuuppoq. Oqaaseqatigiinni siullerni eqqaaneqartup piffissarititap qaangiunnissaa sioqqullugu, qinersisartup nutaamik qinigassat allattorsimaffiannut ilanngunneqarnissaaq pillugu qinnuteqaat tunniuppagu, aalajangiisoqarnissaata tungaanut, piffissarititaasoq sivitsorneqassaaq.«

5. § 17, imm. 1, nr. 1-imi, »§ 16, imm. 2«-p kingorna ikkunneqassaaq: »§ 16, imm. 2, aamma § 16 a, imm. 2«.

6. § 32, imm. 2-mi, oqaaseqatigiit siulliit sioqqullugit oqaaseqatigiittut nutaatut uku ikkunneqarput:

»Kinaluunniit ataatsikkoortillugit Danmark-imi naalagaaffiullu ilaasa sinnerini qinigassanngortissinnaanngilaq.«

7. § 96, imm. 1, oqaaseqatigiit aappaanni, »§ 96 a« allanngortinneqarpoq imaalillugu: »§§ 16 a aamma 96 a«.

8. § 106-imi imm. 2-ip kingornagut makku immikkoortutut nutaatut ikkunneqarput:

»Imm. 3. Inatsisit allat malillugit annerusumik pillaatissiissuteqanngippat, qinersinermi imaluunniit inunnik qinersisitsinermi, ataatsikkoortillugit Danmark-imi aamma naalagaaffiup ilaasa sinnerini, taasisimappat imaluunniit qinigassanngortissimappat, akiliisitaanermik imaluunniit qaammatit sisamat tikillugit parnaarussaanermik, taanna pillarneqassaaq.«

Imm. 3 tamatuma kingorna imm. 4-nngussaaq.

§ 4

Naalagaaffiup iluani pissutsinut- aamma ineqarnermut ministeri inatsimmik atuutilersitsinissamut piffissamik aalajangersaassaaq.

§ 5

§ 1, nr. 1 aamma 2 Savalimmiunut aamma Kalaallit Nunaannut atuutinngilaq, kisianni Kunngip peqqussutaatigut, tamakkiisumik ilaannakuusumilluunniit, Kalaallit Nunaanni pissutsit apeqqutaatillugit allannguutitalerlugu Kalaallit Nunaannut atuutilersinneqarsinnaalluni.

Imm. 2. § 2 Savalimmiunut atuutinngilaq.

Imm. 3. § 3 Savalimmiunut aamma Kalaallit Nunaannut atuutinngilaq.

Inatsisissatut siunnersuummut nassuiaatit

Nassuiaatit nalinginnaasut

Imarisai

1. Aallaqqaasiut

2. Inatsisissatut siunnersuummi sammisat pingaarnert

2.1. Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartinneqartunik aammalu naalagaaffiup avataanut, il.il. suliartoqquneqartunik inunnik Kalaallit Nunaanni aamma Danmark-imi najukkamik nalunaarsuineq

2.1.1. Inatsisit atuuttut

2.1.2. Naalagaaffiup iluani pissutsinut- aamma ineqarnermut Ministeeriaqarfimmi isumaliutigineqartut

2.1.3. Aaqqiissutissatut siunnersuut

2.2. Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartinneqartut aammalu naalagaaffiup avataanut suliartoqquneqartut inuit, Kalaallit Nunaanni folketingimut qinersinermi, naalagaaffimmi aalajangersimasumik najugaqartutut isigineqarput

2.2.1. Inatsisit atuuttut

2.2.2. Naalagaaffiup iluani pissutsinut- aamma ineqarnermut Ministeeriaqarfimmi isumaliutigineqartut

2.2.3. Aaqqiissutissatut siunnersuut

2.3. Kalaallit Nunaanni Namminersorlutik Oqartussanit atorfeqartinneqartut aammalu naalagaaffiup avataanut suliartoqquneqartut inuit, Danmark-imi folketingimut qinersinermi, naalagaaffimmi aalajangersimasumik najugaqartutut isigineqarput

2.3.1. Inatsisit atuuttut

2.3.2. Naalagaaffiup iluani pissutsinut- aamma ineqarnermut
Ministeeriaqarfimmi isumaliutigineqartut

2.3.3. Aaqqiissutissatut siunnersuut

2.4. Qinersisartut ilaat, qallunaat naalagaaffiannit imaluunniit Kalaallit
Nunaanni Namminersorlutik Oqartussanit atorfeqartinneqartut aammalu
naalagaaffiup avataanut suliartoqquneqartut, qinnuteqarneq malillugu,
naalagaaffiup ilaani, najukkatut nalunaarsugaaffigisamit allaanerusumi,
qinigassat allattorsimaffiannut ilanngunneqarsinnaapput

2.4.1. Inatsisit atuuttut

2.4.2. Naalagaaffiup iluani pissutsinut- aamma ineqarnermut
Ministeeriaqarfimmi isumaliutigineqartut

2.4.3. Aaqqiissutissatut siunnersuut

3. Naalagaaffeqatigiinnermut kinguneri

4. Pisortanut aningaasaqarnikkut kinguneri aamma atuutilersitsinerit
kinguneri

5. Inuussutissarsiornermut il.il. aningaasaqarnikkut aamma allaffissornikkut
kinguneri

6. Innuttaasunut allaffissornikkut kinguneri

7. Silaannaap pissusaanut kinguneri

8. Avatangiisinut pinngortitamullu kinguneri

9. EU-mi eqqartuussiveqarnermut naleqqiullugu pissutsit

10. Oqartussaqaarfiit kattuffiillu il.il. tusarniaaffigineqarsimasut

11. Eqikkaanermut takussutissiaq (skema)

1. Aallaqqaasiut

Inuit qallunaat naalagaaffianni atorfillit, Kalaallit Nunaanni najugaqartut
naalagaaffiullu avataanut suliartoqqusaasut, aamma inuit Kalaallit
Nunaanni Namminersorlutik Oqartussani atorfillit naalagaaffiullu avataanut
suliartoqqusaasut, kiisalu ilaqutaasut ilaatitaasut, CPR-imi najukkamik
nalunaarsuinnermut, aammalu folketingimut qinersinnermut qinigassat
allattorsimaffiannut ilanngunneqarnissamut atatillugu inunnut Danmark-
imi najugaqartunut, qallunaallu naalagaaffiannit aallartitaasartunut,
assingusumik pineqarnissaannut, inatsisitigut tunngavissamik
pilersitsinissaq, inatsisissatut siunnersuummik siunertaavoq.

Qitiusumik Inunnik Nalunaarsuivik pillugu inatsit (CPR-i pillugu inatsit), 1. Januar 2007-miit sunniuteqalersumik Kunngip peqqussutaatigut Kalaallit Nunaannut atuutilerpoq.

CPR-i pillugu inatsimmi § 24, imm. 5-i aamma 6-i, tassani aalajangigaalluni, inuit qallunaat naalagaaffianni atorfeqartut naalagaaffiullu avataanut suliartoqqusaasut, taakkualu ilaqutaat ilaatitaasut, inatsimmi § 24, imm. 1-imi aalajangersagaq apeqqutaatinnagu, CPR-imi aallaqqasutut nalunaarsorneqanngisaannassasut, Kalaallit Nunaannut atuutilersinneqanngilaq.

Kalaallit Nunaanni Namminersorlutik Oqartussat, CPR-i pillugu inatsimmi § 24, imm. 5-ip aamma 6-ip Kalaallit Nunaannut atuutilersinneqarnissaa pillugu kissaateqarnertik nalunaarutigalugu, taamaalillunilu inuit qallunaat naalagaaffiannit atorfeqartitaasut, Kalaallit Nunaanni najugaqartut naalagaaffiullu avataanut suliartoqqusaasut, taakkununngalu ilaqutaasut ilaatitaasut, nunani allaniinnerup nalaani Kalaallit Nunaanni najugaqartutut nalunaarsugaaqqaannarnissaat pillugu, taamanikkut isumaginninnermut-aamma naalagaaffiup iluani pissutsinut ministerimut saaffiginnissuteqarsimapput. Aalajangersakkanik Kunngip peqqussutaatigut Kalaallit Nunaannut atuutilersitsinissamut piginnaatissummik nutaamik pilersitsisoqassasoq, tamatumunnga piumasaqaataavoq, tassami Kunngip peqqussutaatigut Kalaallit Nunaannut atuutilersitsinissamut taamaallaat ataasiaannarluni inatsisitigut tunngavissaqarmat. Kalaallinit kissatigineqartup akuerineqarnissaa siunertaralugu, inatsisissatut siunnersuummik inatsisitigut tunngavissamik pilersitsisoqassaaq.

Matuma saniatigut, inuit CPR-i pillugu inatsimmi § 24, imm. 5-imi pineqartut, inunnik, Kalaallit Nunaanni Namminersorlutik Oqartussani atorfeqartinneqartunik naalagaaffiullu avataanut suliartoqqusaasunik ilaqalersillugit ilaneqassasut, taamaalilluni inuit pineqartut taakkualu ilaqutaat ilaatinneqartut, nunani allaniinnermi CPR-imi najugaqartutut

nalunaarsorsimaannarnissaannik, Kalaallit Nunaanni Namminersorlutik Oqartussat kissaateqarput. CPR-i pillugu inatsimmi § 24, imm. 5-imik allannguinnikkut inatsisissatut siunnersuummik tamanna kissaat akuersaarneqarpoq, taamaalilluni inuit pineqartut aalajangersakkamut ilaatinneqarlutik.

Tamatuma saniatigut, aammattaaq inuit, qallunaat naalagaaffianni atorfeqartut, § 24, imm. 5-i aamma 6-i atuuttut naapertorlugit Kalaallit Nunaanni najugaqartut naalagaaffiullu avataanut suliartoqqusaasut, taakkunungalugu ilaqutaasut ilagitinneqartut, aammalu inuit Kalaallit Nunaanni Namminersorlutik Oqartussani atorfeqartinneqartut, naalagaaffiullu avataanut suliartoqqusaasut, taakkunungalugu ilaqutaasut ilagitinneqartut, folketingimut qinersinermut, qinersisinnaatitaaneq pillugu maleruagassat malillugit, nunani allaniinnerup sivilisussusia apeqqutaatinnagu, aammalu inuit pineqartut piffissami aallartitaaffiup nalaani Danmarkimi imaluunniit Kalaallit Nunaanni najugaqarnersut apeqqutaatinnagu, naalagaaffimmi aalajangersimasumik najugaqartutut, taamaalillunilu folketingimut qinersinissamut, qinersisinnaatitaanermut piumasaqaammik naammassinnittutut isigineqassasut, Kalaallit Nunaanni Namminersorlutik Oqartussat kissaatigaat. Tamatuminnga akuersinissamut folketingimut qinersineq pillugu inatsimmik aamma Kalaallit Nunaanni folketingimut qinersineq pillugu inatsimmik allannguinerit piumasaqaataapput.

Folketingimut qinersineq pillugu inatsit aamma Kalaallit Nunaanni folketingimut qinersineq pillugu inatsit allanngortinneqassasut, taamaalillunilu kalaallinit kissaataasoq akuerineqarsinnaanngorlugu inatsisissamut siunnersuummik siunnersuutigineqarpoq.

2. Inatsisissatut siunnersuummi sammisat pingaarnerit

2.1. Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartinneqartunik aammalu naalagaaffiup avataanut, il.il. suliartoqquneqartunik inunnik Kalaallit Nunaanni aamma Danmark-imi najukkamik nalunaarsuineq

2.1.1. Inatsisit atuuttut

Kalaallit Nunaanni inunnik nalunaarsuineq 1972-imiilli CPR-ip ilaatut ingerlasimavoq. Taamaattumik Kalaallit Nunaanni najukkanik nalunaarsuineq, tamatuminnga CPR-imi nalunaarsuinikkut, Danmark-imisulli pisarpoq. Danmark-ip Kalaallillu Nunaata akornanni nuunneq, CPR-i pillugu inatsit malillugu, najukkamik nalunaarsuinnermut atatillugu, naalagaaffiup iluani nuunnertut isigineqartarpoq.

CPR-i pillugu inatsimmi § 60-imi ilamernginik ilaatinngisaqarluni, CPR-i pillugu inatsimmut inatsisitigut tunngavissatut peqqussut atorlugu, CPR-i pillugu inatsit, 1. januar 2007-imiit sunniuteqalersumik, peqqussutikkut nr. 449, 23. maj 2016-imeersukkut aamma peqqussut nr. 681, 6. juni 2016-imeersukkut allanngortinneqartoq, Qitiusumik Inunnik Nalunaarsuineq pillugu inatsimmik Kalaallit Nunaannut atuutilersitsineq pillugu Kunngip peqqussutaatigut nr. 1198, 29. november 2006-imeersukkut Kalaallit Nunaannut atuutilersinneqarpoq.

Aallarneq pillugu CPR-imi nalunaarsuinnermut tunngasoq CPR-i pillugu inatsimmi § 24, taamaattoq qallunaat naalagaaffiannit atorfeqartinneqartunik naalagaaffiullu avataanut suliartoqquneqartunik inunnik, taakkualu ilaqutaannik ilaatitsiffiusumik ilaqartut CPR-i pillugu inatsimmi § 24, imm. 5-i aamma 6-i ilaatinngagit, Kalaallit Nunaannut atuutilersinneqarsimavoq.

Kinaluunniit nunanut allanut nuuttoq, aallarsimasutut CPR-imi nalunaarsorneqassasoq, CPR-i pillugu inatsimmi § 24, imm. 1-imi, aalajangersagaavoq, taamaattoq tak. Imm. 5-9-mut aamma § 25, imm. 2. Pineqartup aallartinnani nuunneq najugaqarfittut kommune-risamut nalunaarutigissavaa. Qaammatit arfinillit sinnerlugit nunani allanniinneq, tamatigut nunanut allanut nuunnertut nalunaarutigineqartassaaq. Nunani

allaniinneq qaammatinik arfinilinnik imaluunniit sivikinnerusumik sivilissuseqarpat, manna tikillugu najugarisaq tamakkiisumik atorsinnaasatut tigummiinnarneqarpat, pineqartup qinnuteqarneq malillugu tassani najugalittut nalunaarsorsimaannassalluni pisinnaatitaaffigaa, taamaattoq tak. § 25, imm. 1-imi nunat avannarliit akornanni nuuttarneq pillugu maleruagassat immikkut ittut. Manna tikillugu najugarisaq, qaammatini arfinilinni imaluunniit sivikinnerusumik nunani allaniinnermi tamakkiisumik atorsinnaasatut tigummiinnarneqanngippat, nunanut allanut nuunnerunersoq imaluunniit taamaattoqannginnersoq, kommunalbestyrelsi pisumik pineqartumik naliliissaaq.

Inuit qallunaat naalagaaffianni atorfeqartitaasut naalagaaffiullu avataanut suliartoqqusaasut, § 24, imm. 1-imi aalajangersagaq apeqquaatinnagu, aallaqqasutut nalunaarsorneqanngisaannassasut, CPR-i pillugu inatsimmi § 24, imm. 5-imi aalajangersagaavoq, taamaattoq tak. § 25, imm. 1-imi nunat avannarliit akornanni nuuttarneq pillugu maleruagassat immikkut ittut. Nunani avannarlerni nuuttarnerit pillugit maleruagassat, Danmark-ip Kalaallit Nunaatalu akornanni nuuttarnernut, naalagaaffiup iluani nuuttarnertut isigineqartunut, atuutinngillat.

CPR-i pillugu inatsimmi § 24, imm. 6-i malillugu, inuk, imm. 5-imut ilaatinneqartumik inummik ineqatigiillutik inooqateqartoq, taakku inooqatigiit katissimappata imaluunniit nalunaarsugaasumik inooqatigiippata, imaluunniit katissinnaanissamut imaluunniit nalunaarsugaasumik inooqatigiissinnaanissamut piumasaqaatinik naammassinnippata, aallarnissarlu sioqqullugu illoqatigiinnissamik pilersitsisimappata, aallarsimasutut nalunaarsugaassanngilaq. Taamatuttaaq, taakkua 18-it inorlugit ukiulinnut meeraannut, taakku angajoqqaaminni najugaqarpata, tamanna atuuppoq.

2000-imi CPR-i pillugu inatsimmik atulersitsineq sioqqullugu, CPR-i pillugu inatsisip, inunnik nalunaarsuineq pillugu inatsimmik, (inatsit nr. 426, 31. maj 2000-imik) taarsiinerani, CPR-i pillugu inatsimmi § 24, imm. 5-imut aamma 6-imut ilaatinneqartut inuit eqimattat taakku nunani allani

suliartortitaanerminni CPR-imi aallaqqasutut nalunaarsugaasarpur. Taamaalilluni CPR-i pillugu inatsimmi § 24, imm. 5-i aamma 6-i 2000-imi atuutilersinneqarnermini nutaaliaasimavoq.

Folketingstidende-mi 1999-2000, ilassut A, qupperneq 50 naapertorlugu CPR-imut inatsimmut siunnersuummi § 24, imm. 5-imut nassuiaatini, ilaatigut allassimavoq, imm. 5-imi aalajangersagaq, ilaatigut, akerleriiffiulernissaanik pitsaaliuinissamut, sakkutuunut eqqissisimanissamik nakkutiginninnermut, eqqissinermik pilersitsisumik inunnik ikiuniarnernut aammalu allanut assingusunut suliassanut peqataanissaq siunertaralugu soorlu illersornissaqarfimmit (sakkutuunit) imaluunniit Upalungaarsimanissamut Aqutsisoqarfimmit nunanut allanut aallartinneqarsimasunik inunnik, ilaatigullu, nunani allani taakku suliartartillugit, nunanut allanut sinniisutut suliartartuni sulisunik ilaartoq. Maannamut najugarisamik tamakkiisumik atuiffiusinnaannginnera apequtaatinnagu allamiinnerlu qaammatinik arfinilinnik qaangiigaluartoq taamaattoq inuk aallaqqasutut nalunaarsugaanngisaannartoq aalajangersakkap kingunerigaa, allassimavoq. Pineqartoq maannamut inigisamini, imaluunniit taanna taamaatiinnarneqarpat, kommunimi maannamut najugarisamini nalunaarsorsimaannassaaq. Aallartitaaqqanerup nalaani pineqartup nunani allani najukkatut sumiiffia ilassutitut najukkatut sumiiffittut CPR-imi nalunaarsorneqarsinnaavoq. Aamattaaq allassimavoq, Illersornissamut Ministeeriamiit aamma Nunanut Allanut Ministeeriamiit kissaatigineqarnera malillugu ikkunneqartoq imm. 5-imi aalajangersakkamut tunngavilersuut, ilaatigut tassaammat, assersuutigalugu nunani allani suussutsiminnut maleruagassat immikkut ittut peqqutigalugit, pineqartut nunami najorallakkaminni (najugarisavimmut akerliusumik) najugarisavimmik pissarsisinaanissamit avissaarsimatinneqartarnerat. Kiisalu, nunanit allaneersut aallartitat aamma sakkutuuni sulisut taakkualu illoqutaat maani naalagaaffimmiinnerminni CPR-imi nalunaarsorneqassannginnerat pillugu, aalajangersakkami inatsisissatut siunnersuummi § 18 illuatungilerneqartoq, allassimavoq.

CPR-i pillugu inatsimmi § 24, imm. 5-i Kalaallit Nunaannut atuutilersinneqanngimmat, inuit qallunaat naalagaaffiannit atorfeqartinneqartut Kalaallillu Nunaanniit naalagaaffiup avataanut suliartoqqusaasut, Kunngip peqqussutaatigut Kalaallit Nunaannut atuutilersinneqartumi CPR-i pillugu inatsimmi § 24, imm. 1-imi nunanut allanut aallarnermut maleruagassat nalinginnaasut malillugit, Kalaallit Nunaanni kommunimiit aallaqqasutut CPR-imi nalunaarsorneqassapput. Pineqartup ilaqtarisinnaasaanut ilaatinneqartunut pissutsit taamaattut atuupput. Aammattaaq inunnut Kalaallit Nunaanni inissinneqarsimasunut assersuutigalugu Kalaallit Nunaanni Arktisk Kommando-mi, Kalaallit Nunaanniit toqqaannartumik naalagaaffiup avataanut inissinneqarnerusinnaasumi, naalagaaffiup iluani nuuttarnernut CPR-i pillugu inatsimmi maleruagassat malillugu Kalaallit Nunaanniinnerup nalaani, Kalaallit Nunaanni adresseqarlutik, najugalittut nalunaarsugaappata, tamanna atuuppoq.

Taamatuttaaq inuit, Kalaallit Nunaanni Namminersorlutik Oqartussani atorfillit naalagaaffiullu avataanut suliartoqqusaasut, CPR-i pillugu inatsimmi § 24, imm. 1-imi aallarnermik nalunaarsuinermit maleruagassat nalinginnaasut malillugit, Kalaallit Nunaanniit imaluunniit Danmark-imiit aallartitaanersut apeqqutaatinnagu, CPR-imi aallaqqasutut nalunaarsugaassapput. Taakkua ilaqtarisinnaasaanut ilaatinneqartunut pissutsit taamaattut atuupput.

2.1.2. Naalagaaffiup iluani pissutsinut- aamma ineqarnermut Ministeeriaqarfimmi isumaliutigineqartut

Inuit, qallunaat naalagaaffiannit atorfeqartinneqartut naalagaaffiullu avataanut suliartoqqusaasut, taakkualu ilaqtat ilaatinneqartut, CPR-imi aallaqqasutut nalunaarsorneqanngisaannarnissaanik nassataqartussaq CPR-i pillugu inatsimmi § 24, imm. 5-i aamma 6-i Kalaallit Nunaannut atuutilersinneqarnissaa pillugu Kalaallit Nunaanni Namminersorlutik Oqartussat qinnuteqaateqarpoq.

Tamatuma saniatigut Kalaallit Nunaanni Namminersorlutik Oqartussanit naalagaaffiup avataanut suliartoqqusaasunik inunnik ilaqualersillugit, CPR-i pillugu inatsimmi § 24, imm. 5-imi sammineqartut inuit, annertusineqarnissaat, taamaalilluni inuit pineqartut kiisalu taakkualu ilaqutaat, nunani allanniinnerminni CPR-imi najukkamik nalunaarsorsimaannarnissaat pillugu Kalaallit Nunaanni Namminersorlutik Oqartussat kissaateqarsimapput.

Inuit aapparisaat/inooqatigisaat meeraallu, qallunaat naalagaaffianniit imaluunniit Kalaallit Nunaanni Namminersorlutik Oqartussanit, naalagaaffiup avataanut suliartoqqusaasut, Kalaallit Nunaannit aallartitaanermi CPR-imi aallaqqasutut nalunaarsorsimanissaannut pissutsit, taakkua innuttaasutut, inooqataasutut aamma aningaasaqarnerannut pisinnaatitaaffiitut isumaqarnerat, qinnuteqaammut tunngavilersuutitut allaatigineqarpoq.

Peqqinnissaqarfimmut tapiissutitut periarfissat, kommuninut qinersinernut taasisinnaanissamut periarfissaq, angerlarnermi paaqqinnittarfinni meeqqat inissaqartinneqarneri, initaarnissamut allatsinnissamut periarfissaq, Folketing-imut qinersinermut qinersisussat allassimaffiannut ilanngunneqarsinnaaneq, tamatumunnga assersuutitut allaatigineqarput. Taamatuttaaq kalaallit amerlassusaannik annertusiartortoqarnera, qallunaat akornanni sakkutuujusussaanerannik atuisartunik, sakkutuujusussaanerullu atoreernerata kingorna, Kalaallit Nunaanniit naalagaaffiup avataanut qallunaat nunaanniit aallartinneqarsinnaasartut taamaalillunilu aallartitaanerup nalaani CPR-imi aallaqqasutut nalunaarsorsimasussat allaatigineqarput.

CPR-i pillugu inatsimmi § 24, imm. 5-imik aamma 6-imik kunngip peqqussutaatigut Kalaallit Nunaannut atuutilersitsinissaq pillugu Kalaallit Nunaanni Namminersorlutik Oqartussat kissaateqarnerannik akuersinissamut, tamatumunnga inatsisitigut tunngavissamik nutaamik pilersitsinissaq piumasaqaataavoq, tassami qallunaat inatsisaannik Kunngip peqqussutaatigut Kalaallit Nunaannut atuutilersitsisoqarnissaanut

ataasiaannarluni inatsisitigut tunngavissaqarmat. Taamaalilluni Naalagaaffiup iluani Pissutsinut- aamma Ineqarnermut ministeri CPR-i pillugu inatsimmi § 24, imm. 5-imik aamma 6-imik kunngip peqqussutaatigut Kalaallit Nunaannut atuutilersitsinissamut piginnaatitaaffeqanngilaq.

Naalagaaffiup iluani Pissutsinut- aamma Ineqarnermut ministeri, CPR-i pillugu inatsimmi § 24, imm. 5-imik aamma 6-imik kunngip peqqussutaatigut Kalaallit Nunaannut atuutilersitsinissamut akuersinissamut kissaateqarpoq, taamaattumillu, tamatuma malitsigisaanik tamatuminnga Kunngip peqqussutaatigut atuutilersitsinissaq siunertaralugu, inatsisissatut siunnersuut atorlugu tamatumunnga inatsisitigut tunngavissamik pilersitsisoqassaaq.

Kalaallit Nunaanni Namminersorlutik Oqartussanit atorfeqartinneqartut, naalagaaffiullu avataanut suliartoqqusaasut inuit, CPR-imi aallaqqasutut nalunaarsorneqanngisaannarnissaat pillugu Kalaallit Nunaanni Namminersorlutik Oqartussat kissaataannik akuersinissamut, CPR-i pillugu inatsimmi § 24, imm. 5-imi tamatumunnga inatsisitigut tunngavissamik immikkut ittumik pilersitsisoqarnissaa piumasaqaataavoq.

CPR-i pillugu inatsimmik akuersissuteqarnermi, CPR-i pillugu inatsimmi § 24, imm. 5-imut nassuiaatini immikkut ittuni allassimasutut, Illersornissamut ministeeriamit aamma Nunanut allanut ministeeriamit kissaateqartoqarnera malillugu ikkunneqarsimasumi, imm. 5-imi aalajangersakkamut tunngavilersuutaasimavoq, ilaatigut, assersuutigalugu nunani tamalaani maleruagassat immikkut ittut pissutigalugit tassani inuttut inissisimanertik pissutigalugu, pineqartut nunami tikeraaqqafigigallakkaminni (nunagisaminni pissutsit akerliannik) initaavinnissamut periarfissaqartinneqartannginnerat. Kalaallit Nunaanni Namminersorlutik Oqartussanit atorfeqartinneqartunut naalagaaffiullu avataanut suliartoqqusaasunut, taakku pineqartut nunani allani Naalakkersuisuniit aallartitatut iliuuseqartuummata, tassani Kunngeqarfik Danmark naalagaaffiit innuttanut pisussaaffiinik suliaqaqataasuulluni,

nalinginnaasumillu nunani tamalaani isumaqatigiissutit tunngavigalugit annertuumik naalagaaffiup tikitap inatsisitigut susassa qarfiinut ilaatinneqartannginnamik, pissutsit taamaattut atuupput. Taamaalillutik pineqartut nunami tikeraaqqafigigallakkaminni, qallunaat sinniisoqarnikkut sulisuinut ilaasortaasutut, naalakkersuisoqarnikkut aallartitatut (diplomat-itut) nalunaarsorsimassapput.

Assigiimmik pineqartarnissaq aallaavigalugu, CPR-imi najukkamik nalunaarsugaanermut naleqqiullugu, qallunaat naalagaaffiannit aallartitaasunut inatsisitigut inissisimaffiup assinganik, Kalaallit Nunaanni Namminersorlutik Oqartussanit aallartitaasut tunissallugit, Naalagaaffiup Iluani pissutinut- aamma Ineqarnermut Minister-ip kissaatigaa.

Taamaalilluni, Kalaallit Nunaanni Namminersorlutik Oqartussanit atorfeqartinneqartunik naalagaaffiullu avataanut suliartoqqusaasunik inunnik ilaqalersillugu CPR-i pillugu inatsimmi § 24, imm. 5-i annertusineqassasoq, Kalaallit Nunaanni Namminersorlutik Oqartussanit kissaatigineqartoq akuersaassallugu, taamaalillunilu CPR-imi najukkamik nalunaarsuinermit naleqqiullugu, qallunaat naalagaaffiannit atorfeqartinneqartunut naalagaaffiup avataanut suliartoqqusaasunut pissutsinik assingusunik atugassaqartinneqalersissallugit Naalagaaffiup iluani pissutsinut- aamma Ineqarnermut Minister-ip kissaatigaa. Inatsisissatut siunnersuummik tamatumunnga inatsisitigut tunngavissamik pilersitsisoqassaaq.

2.1.3. Aaqqiissutissatut siunnersuut

Kalaallit Nunaanni Namminersorlutik Oqartussani atorfeqartinneqartunik naalagaaffiullu avataanut suliartoqqusaasunik aammalu qallunaat naalagaaffianni atorfeqartunik naalagaaffiup avataanut suliartoqqusaasunik inunnik assigiissitsilernissamut CPR-imi najukkamik nalunaarsuinermit naleqqiullugu inatsisitigut tunngavissamik pilersitsinissaq pillugu siunnersuutip, CPR-i pillugu inatsimmi § 24, imm. 5-ip allanngortinneqarneragut ingerlanneqarnissaa, tassani aalajangersarneqassalluni inunnut Kalaallit Nunaanni Namminersorlutik

Oqartussanit naalagaaffiup avataanut suliartoqquneqartunut pissutsit assingusut atuuttassasut, siunnersuutigineqarpoq. Taamaalilluni inuit taakku naalagaaffiup avataaniinnerminni CPR-imi najukkamik nalunaarsorsimaannassallutik.

CPR-i pillugu inatsimmi § 24, imm. 5-imik allannguneq siunnersuutaasoq, inuit Kalaallit Nunaanni Namminersorlutik Oqartussanit aallartitaasut, CPR-imi najukkamik nalunaarsuinnermut naleqqiullugu, CPR-i pillugu inatsimmi § 24, imm. 5-imut maanna ilaatinneqartunut inunnut tamakkiisumik assigiisinneqartalernerannik nassataqassaaq. Aallartitaanissaq sioqqullugu Danmark-imi imaluunniit Kalaallit Nunaanni najugaqartutut najukkamik nalunaarsugaanersut apeqqutaatinnagu, tamanna atuuppoq.

Allannguutissatut siunnersuutip atuuffissaatut siunertaraa inuit Namminersorlutik Oqartussat Nunanut Allanut Naalakkersuisoqarfianni atorfillit, qallunaat naalagaaffiannit atorfeqartitaasut naalagaaffiullu avataanut atorfimminnut atatillugu suliartoqqusaasut uteqqittullu.

CPR-i pillugu inatsimmi § 24, imm. 5-ip aamma 6-ip Kunngip Peqqussutaatigut Kalaallit Nunaannut atuutilersinneqarnissaanut inatsisitigut tunngavissamik pilersitsinissaq pillugu siunnersuut, aalajangersakkat tamakkua Kunngip peqqussutaatigut Kalaallit Nunaannut atuutilersinnissaannut Naalagaaffiup iluani pissutsinut- aamma Ineqarnermut minister-imik piginnaatitaaffiliisumik, CPR-i pillugu inatsimmi § 60-imi aalajangersakkamik ikkussisoqarneratigut ingerlanneqassasoq siunnersuutaavoq. Allannguutit Kalaallit Nunaanni pissutsinut tunngassutillit ilaatillugit.

Taamaalilluni Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartitaasut naalagaaffiullu avataanut suliartoqqusaasut inuit, CPR-imi najukkamik nalunaarsorneqarnermut naleqqiullugu assigiisinneqalissapput.

Taamaalillutik inuit eqimattat taakku marluk tamarmik, ilaqutarisinnaasaallu ilaatinneqartut, malitsigitatut CPR-i pillugu inatsimmi § 24, imm. 5-ip aamma 6-ip Kunngip Peqqussutaatigut Kalaallit Nunaannut atuutilersitsinermi, nunani allaniinnermi CPR-imi najukkamik nalunaarsorsimaannarnissaat pillugu Kalaallit Nunaanni Namminersorlutik Oqartussanit kissaataasoq, siunnersuummik akuersaarneqarpoq.

Tamatuma saniatigut inatsisissatut siunnersuummi § 1, nr. 1-imut aamma 3-mut tamakkununngalu nassuiaatinut innersuussisoqarpoq.

2.2. Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartinneqartut aammalu naalagaaffiup avataanut suliartoqquneqartut inuit, Kalaallit Nunaanni folketingimut qinersinermi, naalagaaffimmi aalajangersimasumik najugaqartutut isigineqarput

2.2.1. Inatsisit atuuttut

Tunngaviusumik inatsimmi § 29, imm. 1-i malillugu, Folketing-imut qinersisinnaatitaanissamut naalagaaffimmi aalajangersimasumik najugaqarnek ilaatigut piumasaqaataavoq. Kalaallit Nunaanni folketing-imut qinersisarnek pillugu inatsimmi § 3, tak. Inatsisissatut nalunaarut nr. 2241, 25. November 2021-meersoq (Kalaallit Nunaanni folketing-imut qinersisarnek pillugu inatsit) inunnik eqimattanik arlalinnik taaguivoq, nunani allani najugaqarallarlualutik, naalagaaffimmi najugaqavissutut isigineqartut, folketingimut qinersinissamut tunngatillugu.

Kalaallit Nunaanni folketing-imut qinersisarnermut inatsimmi § 3, imm. 1-imi pineqarput naalagaaffimmi pisortat oqartussa qarfiannit, namminersorluni suliffeqarfimmit, peqatigiiffimmit namminersortumit imaluunniit ikiuiniagatigiiffimmit nunanut allanut suliarlorlutik aallartitaasimasut; Danmark-ip ilaasortaaffigisaani, nunani tamalaani kattuffinni atorfeqartunik, nunani allaniittunik inunnik; ilinniagaqarnermut-imaluunniit peqqissutsimut tunngatillugu nunani allaniittunik, imaluunniit nunani allaniittut, naalagaaffimmut atatillugu inunnut eqqaaneqartunut assersuunneqarsinnaasunik.

Katitisisamasat, inunnik taakkuninnga inooqateqartut, Kalaallit Nunaanni folketing-imut qinersisarneq pillugu inatsimmi § 3, imm. 1-i naapertorlugu taamatuttaaq tamakkununga ilaatinneqarput, aamma katisimanatik katisimanertut ittumik inooqatigiittut, Kalaallit Nunaanni folketing-imut qinersisarneq pillugu inatsimmi § 3, imm. 2 naapertorlugu aallartinnatik illoqatigiinnermik pilersitsisimappata, ilaatinneqarput.

Kalaallit Nunaanni folketing-imut qinersisarneq pillugu inatsimmi § 3-mut ilaatinneqartut qinersisartut, CPR-i pillugu inatsimmi maleruagassat atuuttut malillugit manna pillugu immikkoortoq 2.1.1-i naapertorlugu nunani allaniinnerup nalaani CPR-imi aallaqqasutut nalunaarsorsimassapput. Taamaattumik, Kalaallit Nunaanni folketing-imut qinersisarneq pillugu inatsimmi § 13-i naapertorlugu, Kalaallit Nunaanni folketing-imut qinersinissamut qinersisussat allassimaffiannut isumamineertumik ilanngunneqarnissamut piumasaqaatinik naammassinninngillat. Qinnuteqartoqartoqarnera malillugu, Kalaallit Nunaanni folketing-imut qinersisarneq pillugu inatsimmi § 15, imm. 1-i naapertorlugu kingullermik najukkamik nalunaarsugaaffigisimasaminni kommunimi, imaluunniit, Kalaallit Nunaanni folketing-imut qinersisarneq pillugu inatsimmi § 15, imm. 2 naapertorlugu Kalaallit Nunaanni sumiiffinni kommunit aggornerisa avataanni kingullermik najukkamik nalunaarsugaasimagunik, Nuuk Kommunimi (maanna Kommuneqarfik Sermersuumi) pinneqartut qinersisartut, qinersisussat allassimaffiannut ilanngunneqassapput.

2.2.2. Naalagaaffiup iluani pissutsinut- aamma ineqarnermut Ministeeriaqarfimmi isumaliutigineqartut

Kalaallit Nunaanni folketing-imut qinersisarnermut inatsit, Folketing-imut qinersisarneq pillugu qallunaat inatsisaanni. tak. inatsimmik nalunaarut nr. 1260, 27. august 2020-meersoq (folketing-imut qinersisarneq pillugu inatsimmi) § 2, imm. 1-imut assingusumik aalajangersakkamik, tassani naalagaaffimmi atorfillit naalagaaffiup avataanut suliartoqqusaasut, taakkualu ilaqutaat il.il., nunani allaniinnerup sivilisussasaa

apeqqutaatinngu naalagaaffimmi najugaqartutut isigineqarnerannik, imaqaanngilaq. Taamaalilluni Kalaallit Nunaanni folketing-imut qinersisarneq pillugu inatsit, qallunaat folketing-imut qinersisarnermut inatsisaanni § 2, imm. 2-mut, aamma imm. 2 naapertorlugu § 2, imm. 4-mut assingusumik, nunani allaniikkallaraluarluni qinersisinnaatitaaneq pillugu maleruagassanik taamaallaat imaqarluni.

Kalaallit Nunaanni Namminersorlutik Oqartussat immikkoortoq 2.1.-imi allassimaneratut, CPR-i pillugu inatsimmi § 24, imm. 5-ip aamma 6-ip allanngortinneqarnissaa aamma Kalaallit Nunaannut atuutilersinneqarnissaa pillugu noqqaassuteqarsimapput. Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartinneqartut naalagaaffiullu avataanut suliartoqqusaasut inuit taakkualu ilaqutaat ilaatitaasut, siumungaaq CPR-imi aallaqqasutut nalunaarsorneqartarunnaassasut, tamatuma kinguneraa.

Tamatumunnga ilassutitut Kalaallit Nunaanni Namminersorlutik Oqartussat, Kalaallit Nunaanni folketing-imut qinersisarneq pillugu inatsimmik allannguinnissaq pillugu kissaateqaammik saqqummiussisimapput, taamaalilluni Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartinneqartut naalagaaffiullu avataanut suliartoqqusaasut, aamma qinersisarneq eqqarsaatigalugu naalagaaffimmi aalajangersimasumik najugaqartutut isigineqassasut taamaalillutillu Kalaallit Nunaanni folketing-imut qinersinermut qinersisinnaatitaassasut.

Assigiissitsisoqarnissaa aallaavigalugu Kalaallit Nunaanni Namminersorlutik Oqartussanit aamma qallunaat naalagaaffiannit aallartitaasut, Danmark-imi folketing-imut qinersinermi qallunaat naalagaaffiannit aallartitaasutulli, assigiimmik inatsisitigut inissisimaffeqarnissaat, Naalagaaffiup iluani pissutsinut- aamma ineqarnermut ministeeriaqarfiup kissaatigaa. Taamaattumik Naalagaaffiup iluani pissutsinut- aamma ineqarnermut ministeeriaqarfiup, Kalaallit

Nunaanni Namminersorlutik Oqartussanit noqqaassutaasumik akuersaarnissaq kissaatigaa.

Taamaalilluni, Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartitaasut naalagaaffiup avataanut suliartoqqusaasut, Kalaallit Nunaanni folketing-imut qinersinermi naalagaaffimmi aalajangersimasumik najugaqartutut isigineqassasut siunnersuutaavoq. Tamanna inunnik eqimattanik, Kalaallit Nunaanni folketing-imut qinersisarneq pillugu inatsimmi, naalagaaffimmi najugalittut isigisaasunik, annertusisitsineruvoq. Qallunaat naalagaaffiannit atorfeqartitaasut naalagaaffiullu avataanut suliartoqqusaasut eqqarsaatigalugit, tamanna annertusisitsineq qallunaat folketing-imut qinersisarneq pillugu inatsisaanni § 2, imm. 1-imut atuuttumut assinguvoq.

Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut suliartoqqusaasut inuit, aallartitatut inissisimanertik atorlugu nunani allaniinnerminni naalagaaffimmut immikkut ittumik attuumassuteqarnermik piginniinnarsimasutut, folketingimut qinersisarnermi inatsimmut § 2, imm. 1-imut attuumassutillit qallunaat naalagaaffiani atorfeqartinneqartut allat assigalugit. Pineqartut aqutsisoqarnikkut aamma pissusissanik malinnilluarnermut apeqqutini, qallunaat sinniisoqarfiannut pisortap ataaniittutut aammalu nunami allamiiffigisami qallunaat sinniisoqartitaanni sulisut ilaattut diplomat-itut nalunaarutigineqarsimassapput. Taamaalillutik Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut suliartoqqusaasut, inuit pisinnaatitaaffiisa aallaaviattut kattusimasumik Danmark-ip Kunngeqarfittut naalagaaffia inissisimalluni, nunani allani qallunaat naalagaaffiannut sinniisutut, iliuuseqartuupput. Pineqartut, atorfeqartitaanerminnut atatillugu pisussaataitaapput naalagaaffimmiit nuutsitaanissaminnut utertitaaqqinnissaminnullu.

2.2.3. Aaqqiissutissatut siunnersuut

Inatsisissatut siunnersuut malillugu Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartitaasut

naalagaaffiullu avataanut suliartoqqusaasut inuit, Kalaallit Nunaanni folketing-imut qinersisarneq eqqarsaatigalugu, naalagaaffimmi aalajangersimasumik najugaqartutut, nunanilu allaniinnerup sivisussusaa apeqqutaatinnagu aallartitaaqqanerup nalaani qinersisinnaatitaanerminnik pigiinniinnartutut, isigineqassapput. Allanguutissatut siunnersuummi, inuit pineqartut taamaalillutik qinersisinnaatitaanertik tigummiinnassavaat aallartitaaqqanerminni, nunani allaniinnerup sivisussusaa apeqqutaatinnagu.

Allanguut, Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartitaasut naalagaaffiullu avataanut suliartoqqusaasut inuit, piffissamilu aallartitaaqqanerup nalaani Kalaallit Nunaanni najukkamik nalunaarsugaasut, nunani allaniinnerup nalaani Kalaallit Nunaanni najukkamik nalunaarsorsimaannarnissaannik nassataqartussaq, eqqaaneqartutut annertusaanermut siunnersuutigineqartumut, aammalu malitsigitillugu CPR-i pillugu inatsimmi § 24, imm. 5-imik Kalaallit Nunaannut atuutilersitsinissamut eqqarsaataasumut ataqatigiissillugu isigineqassaaq. Taamaalilluni Kalaallit Nunaanni folketing-imut qinersisarneq pillugu inatsimmi § 13 naapertorlugu qinersisartunut eqimattamut tassunga qinersisussat allassimaffiannut ilanngunneqarnissaq isumamineertumik pisassaaq.

Kalaallit Nunaanni Namminersorlutik Oqartussanit imaluunniit qallunaat naalagaaffiannit aallartitaasut inuit, aallartitaanermillu nalaanni Danmark-imi najukkamik nalunaarsorsimasut, Kalaallit Nunaanni qinigassat allatorsimaffiannut ilanngunneqarnissamut isumamineertumik piunasaqaatinik naammassinnissinnaassanngillat, kisianni, tamatumunnga immikkoortumi 2.1-i naapertorlugu Danmark-imi qinigassat allatorsimaffiannut isumamineertumik ilanngunneqarumaarlutik. Inuit tamakkua siusinnerusukkut Kalaallit Nunaanni najukkamik nalunaarsugaasimagunik Kalaallit Nunaanni qinigassat allatorsimaffiannut qinnuteqartoqarneratigut ilanngunneqarsinnaassapput. Naalagaaffiup ilaani allami qinigassat allatorsimaffiannut ilanngunneqarnissamut naalagaaffiup avataanut suliartoqqusaasut inuit qinnuteqaataat malillugu,

sukumiinerusumik paasisutissatut pillugit, immikkoortoq 2.4-mut innersuussisoqarpoq.

Inatsisissatut siunnersuummi § 2, nr. 1-imut, makkunungalu nassuiaatinut innersuussisoqarpoq.

2.3. Kalaallit Nunaanni Namminersorlutik Oqartussanit atorfeqartinneqartut aammalu naalagaaffiup avataanut suliartoqquneqartut inuit, Danmark-imi folketingimut qinersinermi, naalagaaffimmi aalajangersimasumik najugaqartutut isigineqarput

2.3.1. Inatsisit atuuttut

Tunngaviusumik inatsimmi § 29, imm. 1-i malillugu, Folketing-imut qinersisinnaatitaajumalluni, naalagaaffimmi aalajangersimasumik najugaqarnissaq piumasaqaataavoq. Folketing-imut qinersisarneq pillugu inatsimmi § 2-mi, nunani allaniikkaluarlutik, naalagaaffimmut taamaattumik immikkut ittumik attuumassuteqaannarsimasut, tassa tunngaviusumik inatsimmi piumasaqaatinik naammassinnittutut isigineqartut, inuit eqimattat arlallit taagorneqarput.

Qallunaat naalagaaffiannit atorfeqartitaasut naalagaaffiullu avataanut suliartoqqusaasut inuit, inatsisikkut nr. 283, 10. juni 1970-imeersukkut folketing-imut qinersisarneq pillugu inatsimmut ikkunneqartukkut, folketing-imut qinersisarneq pillugu inatsimmi § 2, imm. 1-i naapertorlugu naalagaaffimmi aalajangersimasumik najugaqartutut isigineqarput. Naalagaaffimmi atorfillit, atorfeqartitaanertik malillugu, naalagaaffimmiit nunanut allanut uterlugulu nuutsitaanissamut pisussaatitaasut, nunanilu allani qallunaat diplomatiattut imaluunniit aallartitaqarfiannut sinniisutut aallartitaasunik, imaluunniit, nunani tamalaani kattuffikkut imaluunniit assigisaasigut nunani allani suliartoqqusaasunik inunnik ilaqartut aalajangersakkami pineqarput. Aammattaaq inuit nunani allani eqqissisimanissamik nakkutiginninnermik suliassanik Illersornissaqarfimmiit imaluunnit Sillimaniarnermut Aqutsisoqarfimmiit il.il. aallartitaasut, aalajangersakkamut ilaatinneqartutut isigineqarput.

Tassa inuit qallunaat naalagaaffiannit atorfeqartinneqartut, aammalu atorfeqartitaanertik malillugu nunanut allanut suliartoqqusaasut taamaallaat aalajangersakkamut ilaatinneqarput. Taamaallilluni inuit naalagaaffimmit allaanerusuni pisortani oqartussa qarfinni atorfeqartinneqartut, imaluunnit atorfeqartinneqarnertik malillugu nuuttariaqartussa atitaanngitsut, § 2, imm. 1-imut ilaatinneqanngillat, kisianni pissutsit malillugit § 2, imm. 2, nr. 1-imut imaluunniit nr. 1-i imaluunniit 2 naapertorlugit nr. 6-imi sanilliussinertut aalajangersakkamut ilaatinneqarsinnaallutik. Aalajangersakkat tamakku ilaatigut inunnik, qallunaat pisortani oqartussa qarfiinit aallartitatut, nunani allaniikkallartunik, imaluunnit, Danmark-ip ilaasortaaffigisaani, nunani tamalaani kattuffimmi atorfilinnik, inunnillu, inunnut taamaattunut sanilliunneqarsinnaasunik, ilaqarput.

Aammattaaq folketing-imut qinersisarneq pillugu inatsimmi § 2, imm. 1-i naapertorlugu qallunaat naalagaaffiannit atorfeqartitaasunik naalagaaffiullu avataanut suliartoqqusaasunik inunnik illoqatigalugit inooqateqartut inuit, pineqartut marluullutik inooqatigiit katisimagunik imaluunnit nalunaarsugaasumik inooqatigiikkunik, imaluunniit katinnissaminnut piunasaqaatinik naammassinnikkunik, imm. 1-ilu naapertorlugu folketing-imut qinersisarneq pillugu inatsimmi § 2, imm. 4 naapertorlugu aallannginnerminni illoqatigiinnissamik pilersitsisimagunik, naalagaaffimmi aalajangersimasumik najugaqartutut isigineqarput.

Inuit taakku imm. 1-i naapertorlugu folketing-imut qinersisarneq pillugu inatsimmi § 2, imm. 1-imut aamma § 2, imm. 4-mut ilaatinneqartut, aamma taakkuupput CPR-i pillugu inatsimmi § 24, imm. 5-i aamma 6-imi pineqartut. CPR-i pillugu inatsimmi § 24, imm. 5-i aamma 6-i malillugu allassimavoq, naalagaaffimmit atorfeqartitaasut naalagaaffiullu avataanut suliartoqqusaasut, aammalu taakkua inuit inooqatigalugit aapparisaat, nalunaarsugaallutik aapparisaat imaluunniit inooqatigisaat, CPR-imi aallaqqasutut nalunaarsorneqanngisaannassasut. Nunani allaniinnerup sivilissusaa apeqqutaatinnagu, aammalu inuup inigisaminik tigumminniinnarsimannginnera apeqqutaatinnagu tamanna atuuppoq.

Taamaattumik imm. 1-i naapertorlugu folketing-imut qinersisarneq pillugu inatsimmi § 2, imm. 1-imut aamma § 2, imm. 4-mut ilaatinneqartut qinersisartut, nalinginnaasumik Danmark-imi najugaqartutut CPR-imi nalunaarsorsimaannassapput, taamaalillutillu § 19, imm. 1-i naapertorlugu folketing-imut qinersisarneq pillugu inatsimmi § 18, imm. 1-i naapertorlugu isumamineertumik qinigassat allattorsimaffiannut ilanngunneqarnissamut piumasaqaatinik naammassinnittuussallutik.

2.3.2. Naalagaaffiup iluani pissutsinut- aamma ineqarnermut Ministeeriami isumaliutigineqartut

Folketing-imut qinersisarneq pillugu inatsimmi § 2, imm. 1-imi eqqaaneqartut inuit eqimattat aammattaaq Kalaallit Nunaanni Namminersorlutik Oqartussanit atorfeqartinneqartunik inunnik ilaqalersillugit annertusineqarnissaat pillugit qinnuteqaateqarlutik Kalaallit Nunaanni Namminersorlutik Oqartussat saaffiginnissuteqarsimapput. Taamaalilluni Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut suliartoqqusaasut inuit, nunani allaniinnermi sivisussusaat apeqqutaatinnagu, Danmark-imi folketing-imut qinersinerni naalagaaffimmi aalajangersimasumik najuqartutut isigineqalissallutik.

Danmark-imi folketing-imut qinersinerni qallunaat naalagaaffiannit aallartitaasut inatsisitigut inissisimanerisa assinganik Kalaallit Nunaanni Namminersorlutik Oqartussanit aallartitaasut atugassaqtartissallugit, assigiissitsinissaq aallaavigalugu Naalagaaffiup iluani pissutsinut- aamma ineqarnermut ministeeriaqarfimmit kissaatigineqarpoq. Taamaattumik, Kalaallit Nunaanni Namminersorlutik Oqartussanit kissaataasoq akuersaassallugu, Naalagaaffiup iluani pissutsinut- aamma ineqarnermut ministeeriaqarfimmit kissaatigineqarpoq.

Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut suliartoqqusaasut inuit, aallartitaanertik tunngavigalugu, taamaalillutillu pineqartut nunani allani qallunaat

naalagaaffiannut sinniisuusutut iliuuseqarnermikkut, aammalu nunani tamalaani isumaqatigiissutit tunngavigalugit, annertuumik naalagaaffimmiiffigisami inatsisitigut susassa qarfiinut ilaatinneqarnaviannginnermikkut, nunani allaniinnerminni naalagaaffimmut attuumassuteqarnerminnik immikkut ittunik attassiinnartutut isigineqartariaqartut, folketingimut qinersisarnermut inatsimmi § 2, imm. 1-imi qallunaat naalagaaffiani atorfillit allat assigalugit. Taamak Naalagaaffiup iluani pissutsinut- aamma ineqarnermut ministeeria qarfiimiit isumaqartoqarpoq. Pineqartut aqutsisoqarnikkut aamma pissusissanik malinnillu arnermut apeqqutini, qallunaat sinniiso qarfiannut pisortap ataaniittutut aammalu nunami allamiiffigisami qallunaat sinniisoqartitaanni sulisut ilaattut diplomat-itut nalunaarutigineqarsimassapput. Taamaalillutik Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut suliartoqqusaasut, inuit pisinnaatitaaffiisa aallaaviattut kattusimasumik Danmark-ip Kunneqarfittut naalagaaffia inissisimalluni, nunani allani qallunaat naalagaaffiannut sinniisutut, iliuuseqartuupput. Pineqartut atorfeqarnerminnut atatillugu pisussaataapput naalagaaffimmiit aallartitaanissaminnut utertitaanissaminnullu.

2.3.3. Aaqqiissutissatut siunnersuut

Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut suliartoqqusaasut inuit, qallunaat folketing-imut qinersisarneq pillugu inatsisaanni, qallunaat naalagaaffiannit atorfeqartinneqartunut naalagaaffiullu avataanut suliartoqqusaasunut inunnut sanilliunneqassasut, inatsisissatut siunnersuummik siunnersuutaavoq.

Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut suliartoqqusaasut inuit, taakkualu aapparisaat il.il., Danmark-imi folketing-imut qinersinermi nunani allaniinnerup sivilissusaa apeqqutaatinnagu naalagaaffimmi najugaqartuusutut isigineqassapput. Allannguutissatut siunnersuutit malillugit inuit pineqartut

taamaalillutik qinersinissamut piginnaatitaaffitsik pigiinnassavaat, aallartitaaqqanerup sivilissusaa apeqqaatinnagu.

Allannguutissatut siunnersuutaasoq, CPR-i pillugu inatsimmi § 24, imm. 5-ip aamma 6-ip siunnersuummik inunnik eqimattanik taakkuninnga ilaqalersillugu, taamaalilluni siunissami taakkua CPR-imi aallaqqasutut nalunaarsorneqartannginnissaannik, annertusineqarnissaanik siunnersuutaaneranut, ataqatigiissillugu isigineqassaaq, taamaalillunilu folketing-imut qinersisussat allassimaffiannut isumamineertumik ilanngunneqarnissamut piumasaqaatinik naammassinnissinnaallutik.

Allannguutissatut siunnersuummi, Kalaallit Nunaanni Namminersorlutik Oqartussani nunani allani sulisoqarnermi atorfeqartinneqartut qallunaallu naalagaaffiup avataani sinniisuutitaqarfiannut suliartoqqusaasut inuit, atorfeqartitaanertillu malillugu naalagaaffimmiit nunanut allanut uterlugulu nuutinneqarnissamut pisussaataasut, pingaarnertut eqqarsaatigineqarput.

Inuit Namminersorlutik Oqartussaniit imaluunniit qallunaat naalagaaffianiit aallartitaasut Kalaallit Nunaanni najugaqavissutut allattorsimasut folketing-imut qinersisussat allassimaffiannut Danmarkimiitumi isumamineertumik ilanngunneqarnissamut piumasaqaatinik naammassinnissinnaanngillat, kisiannili qinigassat allattorsimaffiannut isumamineertumik ilanngunneqarsinnaallutik Kalaallit Nunaanni, tak. Immikkoortoq 2.1. Taakku inuit, siusinnerusukkut Kalaallit Nunaanni najugaqartutut allattorsimasimappata, qinnuteqarnikkut Kalaallit Nunaanni qinigassat allattorsimaffiannut ilanngunneqarsinnaapput. Inunnut naalagaaffiup avataani suliarortitatut aallartitaaqqasunut, qinigassat allattorsimaffiannut naalagaaffiup aappaanut qinnuteqareernerminni ilanngunneqarnissamut tunngassutilinnut paasissutissat sukumiisut immikkoortumut 2.4-mut innersuussissutigineqassapput.

Inatsisissatut siunnersuummi § 3, imm. 1-imut matunngalu nassuiaatinut innersuussisoqarpoq.

2.4. Qinersisartut ilaat, qallunaat naalagaaffiannit imaluunniit Kalaallit Nunaanni Namminersorlutik Oqartussanit atorfeqartinneqartut aammalu naalagaaffiup avataanut suliartoqqusaasut, qinnuteqarneq malillugu, naalagaaffiup ilaani, najukkatut nalunaarsugaaffigisamit allaanerusumi, qinersisussat allassimaffiannut ilanngunneqarsinnaapput.

2.4.1. Inatsisit atuuttut

Folketing-imut qinersisarneq pillugu qallunaat inatsisaanni maleruagassat atuuttut malillugit, § 18-imut ataqatigiissillugu folketing-imut qinersisarneq pillugu inatsimmi § 15 naapertorlugu qinersisartut, Danmark-imi najukkamik nalunaarsugaasut, isumamineertumik Danmark-imi folketing-imut qinersinermi qinersisussat allassimaffiannut ilanngunneqartarput. § 2-mut ilaatinneqartut qinersisartut, nunanilu allaniinnermut atatillugu CPR-imi aallaqqasutut nalunaarsorsimasut, qinnuteqarneq malillugu § 16 naapertorlugu kingullermik najukkamik nalunaarsugaaffimmi kommunimi qinigassat allattorsimaffiannut ilanngunneqassapput. Taamaattoq imm. 1-i naapertorlugu, folketing-imut qinersisarneq pillugu inatsimmi § 2, imm. 1-i, aamma § 2, imm. 4 naapertorlugit Qallunaat naalagaaffianni atorfeqartinneqartut naalagaaffiup avataanut suliartoqqusaasut, taakkualu aapparisaat il.il., CPR-i pillugu inatsimmi § 24, imm. 5-i aamma 6-i malillugit, aallaqqasutut nalunaarsorneqanngisaannassapput. Taamaattumik, aallartitaanermut piffissami qinersisartoq taamaattoq Danmark-imi najukkamik nalunaarsorsimappat, isumamineertumik qinersisussat allassimaffiannut ilanngunneqarneq pissaaq. Taamaattoq, aallartitaaneq sioqqutilaarlugu qinersisartoq Savalimmiuni imaluunniit Kalaallit Nunaanni najukkamik nalunaarsorsimaniarluni aalajangerpat, pineqartup kingullermik najukkamik nalunaarsugaaffigisimasaani Danmark-imi kommunimi qinigassat allattorsimaffiannut qinnuteqarneq malillugu qinersisartoq ilanngunneqassaaq. Tamanna qallunaat folketing-imut qinersisarneq pillugu inatsisaanni § 16, imm. 1, oqaaseqatigiit aappaanni allassimavoq, aammalu Savalimmiunut aamma Kalaallit Nunaannut folketing-imut qinersisarneq pillugu inatsisit, naalagaaffimmit atorfeqartinneqartut il.il. naalagaaffiup avataanut suliartoqqusaasut, nunani

allaniinnerup sivilissusaa apeqqutaatinnagu naalagaaffimmi aalajangersimasumik najugaqartut isigineqarnerannik aalajangersaasumut, imm. 1-i naapertorlugu qallunaat folketing-imut qinersisarneq pillugu inatsisaanni § 2, imm. 1-i, aamma § 2, imm. 4-mut assingusunik aalajangersakkanik imaqaqnginnerannut, ataqatigiissillugu isigineqassalluni. Pineqartoq siusinnerusukkut Danmark-imi najukkamik nalunaarsugaasimappat, kisianni aallartitaaneq sioqqullugu – pissutaasoq apeqqutaatinnagu – kingullermik Savalimmiuni imaluunniit Kalaallit Nunaanni najukkamik nalunaarsugaasimappat, aalajangersagaq atuuppoq.

Kalaallit Nunaanni folketing-imut qinersisarneq pillugu inatsimmi maleruagassat atuuttut malillugit, §§ 16-imut aamma 18-imut ataqatigiissillugu § 13-i naapertorlugu Kalaallit Nunaanni najukkamik nalunaarsugaasut qinersisartut, Kalaallit Nunaanni folketing-imut qinersinissamut qinersisussat allassimaffiannut isumamineertumik ilanngunneqartarput. § 15-imi allassimavoq, qinersisartut § 3-mut ilaatinneqartut, nunani allaniinnerup nalaani, pineqartup kingusinnerpaamik najukkamik nalunaarsugaaffigisimasaani, Kalaallit Nunaanni kommunimi folketing-imut qinersinissamut qinersisussat allassimaffiannut, imaluunniit, pineqartoq kingusinnerpaamik Kalaallit Nunaanni kommunit aggornerisa avataanni najukkamik nalunaarsugaasimappat, Nuuk kommunimi (maanna Kommuneqarfik Sermersuumi (Sermersooq Kommunimi)) qinigassat allattorsimaffiannut, ilanngunneqartassat. Qinnuteqarneq malillugu kingusinnerpaamik kommunimut najukkamut, imaluunniit pineqartoq kingusinnerpaamik sumiiffimmi kommunit aggornerisa avataanni najukkamik nalunaarsugaasimappat, Kalaallit Nunaanni Namminersorlutik Oqartussat Akileraartarnermut Aqutsisoqarfiannut (maanna Akileraartarnermut Aqutsisoqarfimmut (Skattestyrelsen-imut)), ilanngunneqarneq pisassaaq.

Pillaasarnermut inatsit § 117 nr. 1 malillugu kinaluunniit piginnaatinneqarani folketingimut qiniseqataanissamut allamilluunniit qinersititsinissaminut aqqutissiuisimappat taava ukiut marluk tikillugit isertitsivimmiitsinneqassaaq.

2.4.2. Naalagaaffiup iluani pissutsinut- aamma ineqarnermut Ministeeriami isumaliutigineqartut

Immikkoortoq 2.2-mi allannguutiniq siunnersuutigineqartunik, qallunaat naalagaaffiannit atorfeqartinneqartut, Kalaallit Nunaannut suliaartortillugit aallartitaasut, tassanngaaniillu nunanut allanut suliaartoqqusaasut, siunissami Kalaallit Nunaanni najukkamik nalunaarsorsimaannassapput, taamaalillutillu isumamineertumik Kalaallit Nunaanni folketing-imut qinersinermut qinersisussat allassimaffiannut ilanngunneqassallutik. Folketing-imut qinersisarneq pillugu inatsimmi § 16, imm. 1, oqaaseqatigiit aappaanni allassimasut naapertorlugit, Danmark-imi folketing-imut qinersinissamut qinersisussat allassimaffiannut pineqartup qinnuteqarneq malillugu ilanngunneqartarneranut maannamut periaatsip akerlianik, tamanna atuutilissaaq.

§ 16, imm. 1, oqaaseqatigiit aappaanni allassimasut atuuttut malillugit, inuit taakkua eqqaaneqartutut, naalagaaffiup avataanut suliaartoqqusaallutik aallartitaanngitsiarnermi, Kalaallit Nunaanni imaluunniit Savalimmiuni najukkamik nalunaarsugaasimappata, Danmark-imi kommunimi tassani kingullermi najukkamik nalunaarsorsimaaffigisaanni qinersisussat allassimaffiannut ilanngunneqassapput. Inatsisissatut siunnersuummik inuit taakku eqimattat, siunissami Kalaallit Nunaanniit aallaqqasutut nalunaarsorneqartarunnaarpata, folketing-imut qinersisarneq pillugu inatsimmi § 16-i, nunani allaniinnermut atatillugu CPR-imi aallaqqasutut nalunaarsorsimasunik qinersisartunik taamaallaat ilaqarmat, aalajangersagaq attuumassuteqarunnaassaaq. Erseqqissaatigineqarpoq, inunnik nalunaarsuineq pillugu savalimmiuni inatsimmi § 21, imm. 4-mik atulersitsinermikkut, aalajangersakkamik assingusumik, qallunaat naalagaaffiannit naalagaaffiup avataanut suliaartoqqusaasunik inunnik, aallaqqasutut nalunaarsuisoqartannginnissaannik nassataqartumik, Savalimmiut tuutilersitsereersut. Taamaalilluni, Savalimmiuni najukkamik nalunaarsugaasut qallunaat naalagaaffiannit atorfeqartitaasut eqqarsaatigalugit, naalagaaffiup avataanut suliaartoqqusaagunik, Folketing-

imut qinersisarneq pillugu inatsimmi § 16, imm. 1, oqaaseqatigiit aappaanni allassimasut, imarisaat tamarmik atorunnaareerput.

Danmark-imi qinigassat allattorsimaffiannut ilanngunneqarnissamut qinnuteqarnissamut, qallunaat naalagaaffiannit atorfeqartitaasunut periarfissaqartuarnissaa, Naalagaaffiup Iluani pissutsinut- aamma Ineqarnermut Ministeeriaqarfimmit kissaatigineqarpoq. Qallunaat naalagaaffiannit imaluunniit Kalaallit Nunaanni Namminersorlutik Oqartussanit nunanut allanut suliartoqqusaasunut inunnut, Kalaallit Nunaanni folketing-imut qinersisussat allassimaffiannut ilanngunneqarnissamut qinnuteqarsinnaanermut periarfissamik. aaqqiinermik assingusumik pilersitsisoqarnissaa Naalagaaffiup Iluani pissutsinut- aamma Ineqarnermut Ministeeriaqarfimmi aammattaaq kissaatigineqarpoq. Taamaattumik, folketing-imut qinersisarneq pillugu kalaallit qallunaallu inatsisaanni allannguutit pisariaqartut pillugit Naalagaaffiup Iluani pissutsinut- aamma Ineqarnermut Ministeeriaqarfimmit siunnersuusiortoqarpoq.

2.4.3. Aaqqiissutissatut siunnersuut

Qallunaat naalagaaffiannit atorfeqartinneqartut naalagaaffiullu avataanut suliartoqqusaasut inuit, naalagaaffiullu avataanut suliarthortitaalluni aallartitaqqanerup nalaani, Savalimmiuni inuttut nalunaarsugaallutilluunniit Kalaallit Nunaanni najukkamik nalunaarsugaasut, taakkualu ilaqutaat il.il., pineqartoq Danmark-imi siusinnerusukkut najukkamik nalunaarsugaasimappat, Danmark-imi folketing-imut qinersinermut qinersisussat allassimaffiannut qinnuteqarneq malillugu ilanngunneqarnissamut periarfissaqalernissaat, siunnersuutaavoq. Inatsisissatut siunnersuummik inuit taakku, Savalimmiuni imaluunniit Kalaallit Nunaanni folketing-imut qinersinermut aamma inunnik taasisitsinernut qinersisussat allassimaffiannut isumamineertumik ilanngunneqarnissamut piomasagaatinik naammassinnilissapput. Taamaattumik, naalagaaffimmi tamarmi ingerlanneqartuni, folketing-imut qinersinerni imaluunniit inunnik taasisitsinerni, pineqartup taamaallaat

Danmark-imi taasiumanera pillugu, nalunaarummik qinnuteqaatip ilaqartinneqartarnissaa, siunnersuutaavoq.

Taamatuttaaq, Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut suliartoqqusaasut inuit, aallartitaaqqanerullu nalaani, Danmark-imi najukkamik nalunaarsugaasut, taakkualu aapparisaat il.il., pineqartoq Kalaallit Nunaanni siusinnerusukkut najukkamik nalunaarsugaasimappat, Kalaallit Nunaanni folketing-imut qinersinermut qinersisussat allassimaffiannut qinnuteqarneq malillugu ilanngunneqarnissamut periarfissaqalernissaat, siunnersuutaavoq. Inatsisissatut siunnersuummik inuit taakku, Danmark-imi folketing-imut qinersinermut aamma inunnik taasisitsinernut qinersisussat allassimaffiannut isumamineertumik ilanngunneqarnissamut piumasaqaatinik naammassinnilissapput. Taamaattumik, naalagaaffimmi tamarmi ingerlanneqartuni, folketing-imut qinersinerni imaluunniit inunnik taasisitsinerni, pineqartup taamaallaat Kalaallit Nunaanni taasiumanera pillugu, nalunaarummik qinnuteqaatip ilaqartinneqartarnissaa, siunnersuutaavoq.

Siunnersuutaavortaaq, taanna, qinersinermi imaluunniit inunnik taasisitsinermi, Danmark-imi, Savalimmiuni imaluunniit Kalaallit Nunaanni taasisoq imaluunniit qinigassanngortittoq, inatsisini allani annertunerusumik pillaatissiisoqanngippat, akiliisitaanermik imaluunniit qaammatit sisamat tikillugit parnaarussaanermik pillarneqarsinnaasoq.

Taakkua inuit eqimattat immikkuullarissut, qallunaat naalagaaffiannit imaluunniit Kalaallit Nunaanni Namminersorlutik Oqartussanit naalagaaffiup avataanut suliartoqqusaasut, naalagaaffiullu ilaannut arlalinnut attuumassuteqartut, naalagaaffiup ilaani sorlermi folketing-imut qinersinermi pineqartut peqataajumanerlutik, namminneerlutik toqqaanissamut periarfissaqartitaanissaannut, aaqqiineq siunnersuutaasoq qulakkeerutaassaaq. Aammattaaq, inuk ataaseq folketing-imut qinersinermi imaluunniit inunnik taasisitsinerni naalagaaffiup ilaanni arlalinni

ataatsikkut arlalinnik qinersinissaanut imaluunniit folketing-imut qinersinermi, qinigassanngortinnissaanut, aaqqiineq pitsaaliuissaaq.

Pillaasarnermut inatsimmi § 117 nr. 1-mi pineqarpoq kinaluunniit piginnaatinneqarani qinersinermut (tassa qinerseqataanermut) allamilluunniit qinersititsinissaminut aqqutissiuisoq. Aalajangersakkap taamaalilluni uani pinngilai inuit, inatsisissatut siunnersuutip § 2, nr. 8, aamma § 3, nr. 4-mi pineqartut, tassa qinersisussat allassimaffiannut ilanngunneqarnissamut pisinnaatitaaffillit (taamaalillutillu qinersisinnaasut) naalagaaffiup ataani piffinni assigiinngitsuni folketingimut qinersiviusumi. Aalajangersakkattaaq pinngilai inuit, qinigassanngortittut naalagaaffiup ataani piffinni assigiinngitsuni folketingimut qinersinermi ataatsimi. Naalagaaffiup iluani pissutsinut- aamma ineqarnermut ministeeriaqarfiup naliliinera naapertorlugu taamaammat pisariaqarpoq folketingimut qinersisarnermi inatsimmut immikkut ittumik pillaanermut aalajangersakkamik ikkussisoqarnissaa, tamanna inerteqqutaalersillugu.

Naalagaaffiup iluani pissutsinut- aamma ineqarnermut ministeeriaqarfiup nalilerpaa inuup paasissutissaanik suliarinninneq, inatsisissatut siunnersuut malillugu, Kalaallit Nunaanni inuk pillugu paasissutissanut inatsip sinaakkutaata iluani pissasoq, Kalaallit Nunaannut inunnut paasissutissanik suliarinnittarneq pillugu inatsit kiisalu Kalaallit Nunaannut inunnut paasissutissanik suliarinnittarneq pillugu peqqussut malillugit.

Siunnersuummi § 2, nr. 8-mut aamma 10-mut, aamma § 3, nr. 4, 6, 7 aamma 8, matumunngalu nassuiaatinut innersuussisoqarpoq.

3. Naalagaaffeqatigiinnermut kinguneri

Inatsisissatut siunnersuut ilimagineqarpoq naalagaaffeqatigiinnermut ajunngitsumik kinguneqassasoq, inuit qallunaat naalagaaffiani atorfeqartitaasut nunanullu allanut suliariorlutik aallartitaasut, aamma Namminersorlorlutik Oqartussani atorfeqartitaasut nunanullu allanut suliariorlutik aallartitaasut naligiissutut inissisimalissammata najugaqarnerup allattorsimaffiani CPR-imi aammalu folketingimi qinersinermi qinersisussat allassimaffiannut ilanngunneqarnissamut.

4. Pisortanut aningaasaqarnikkut kinguneri aamma atuutilersitsinerit kinguneri

Inatsisissatut siunnersuut pisortanut aningaasaqarnikkut kinguneqassasoq ilimagineqanngilaq. Tamatuma saniatigut inatsisissatut siunnersuut, inunnut ikittuinnarnut attuumassuteqarmat, pisortanut malunnaatilimmik atuutilersitsinermit kinguneqarnissaa ilimagineqanngilaq. CPR-i pillugu inatsimmi § 24, imm. 5-ip aamma 6-ip Kunngip Peqqussutaatigut Kalaallit Nunaannut atuutilersinneqassappata, oqartussaasunut attuumassuteqartunut oqiliallaataasussamik, tamatumunnga ilaatinneqartut inuit folketing-imut qinersinermut qinersisussat allassimaffiannut ilanngunneqarnissaq pillugu qinnuteqartariaqassanngillat, kisianni inuit ikittunnguit pineqarnissaat naatsorsuutigineqarpoq.

Inatsisissatut siunnersuut nalilerneqarpoq tunngavissatut siunniussap, tassa pisariitsunik ersarissunillu inatsiseqarnerup eqquutsinneqarnera, tassami siunnersuutip folketingimut qinersinermut allattorsimaffimmut ilanngunneqarsinnaanermut qinnuteqaateqarnissamut periutsit inatsisillu pioreersut atormagit. Siunnersuut aamma nalilerneqarpoq tunngavissatut siunniussamik eqquutsitsisutut digitalikkut attaveqaqatigiinneq eqqarsaatigalugu, tassani periutsumik siunnersuut allanngortitsinngimmat. Peqquserluttoqarnissaq kukkuluttortoqarnissarlu eqqarsaatigalugit Folketingi misissuisarniarpoq qinersisartoq qinigassanngortittorluunniit siunnersuummut § 106, imm. 3-mut akerliusumik iliuuseqarsimanersoq. Tunngavissatut siunnersuutit sinneri digitaliseeriinermut tunngassutillit uunga attuumassuteqanngillat.

5. Inuussutissarsiornermut il.il. aningaasaqarnikkut aamma allaffissornikkut kinguneri

Inatsisissatut siunnersuut inuussutissarsiornermut aningaasaqarnikkut aamma allaffissornikkut kinguneqassanngilaq.

6. Innuttaasunut allaffissornikkut kingunissai

Inatsisissatut siunnersuut CPR-i pillugu inatsimmi § 24, imm. 5-ip aamma 6-ip Kunngip Peqqussutaatigut Kalaallit Nunaannut atuutilersitsinikkut, CPR-imi Kalaallit Nunaanniit aallaqqasutut nalunaarsorneqartarunnaartussanut innuttaasunut allaffissornikkut pitsaasumik kinguneqarnissaa naatsorsuutigineqarpoq. Tamatuma saniatigut inuit pineqartut, tamatuma sunniutaanik Folketing-imut qinersinermut qinigassat allattorsimaffiannut ilanngunneqarnissaq pillugu qinnuteqartariaqarunnaassapput.

7. Silaannaap pissusaa eqqarsaatigalugu kinguneri

Inatsisissatut siunnersuut silaannaap pissusaa eqqarsaatigalugu kingunissaqanngilaq.

8. Avatangiisit pinngortitarlu eqqarsaatigalugit kinguneri

Inatsisissatut siunnersuut avatangiisit pinngortitarlu eqqarsaatigalugit kinguneqassanngilaq.

9. EU-mi eqqartuussiveqarnermut naleqqiullugu pissutsit

Inatsisissatut siunnersuut EU-mi eqqartuussiveqarnermut attuumassuteqanngilaq.

10. Oqartussa qarfiit kattuffiillu il.il. tusarniaaffigineqarsimasut

Naalagaaffiup iluani pissutsinut- aamma ineqarnermut ministeriaqarfiup inatsisissatut siunnersuut, oqartussa qarfinnut aamma kattuffinnut il.il., piffissami ulloq ...-miit ulloq ...-p tungaanut tusarniaassutitut ukununnga nassiussuussisimavoq:

Datatilsynet (Qarasaasiami paasissutissanut nakkutilliivik), Den danske dommerforening (qallunaat eqqartuussisut peqatigiiffiat), Savalimmiuni Hjemmestyre, Kalaallit Nunaanni Namminersorlutik oqartussat

(Naalakkersuisut), Institut for Menneskerettigheder (Inuit Pisinnaatitaaffiitut Institutti), KL, Københavns Universitet (Det Juridiske Fakultet), Kalaallit Nunaanni Naalagaaffiup Sinnisua (Rigsombudsmanden i Grønland), Savalimmiuni Naalagaaffiup Sinnisua (Rigsombudsmanden på Færøerne), Syddansk Universitet (Juridisk Institut), Udbetaling Danmark, Qinersisarnermut Ataatsimiititaliaq (Valgnævnet), Aalborg Universitet (Juridisk Institut), Aarhus Universitet (Juridisk Institut).

Taamatuttaaq Kalaallit Nunaanni Siulittaasup Naalakkersuisoqarfianiit piffissami tassani inatsisissatut siunnersuut oqartussaqaqfinnut aamma kattuffinnut il.il ukununga tusarniaatitut nassiussuunneqarsimavoq:

Avaanata Kommunian, Kommune Kujalleq, Kommune Qeqertalik, Kommuneqarfik Sermersooq, Qeqqata Kommunian, Nunanut Allanut Naalakkersuisoqarfik (Departementet for Udenrigsanlig-gender), Aningaasaqarnermut Nunamullu Namminermut Naalakkersuisoqarfik (Departementet for Finansier og Indenrigsanliggender), Inuussutissarsiornermut Niuernermullu Naalakkersuisoqarfik (Departementet for Erhverv og Handel), Aalisarnermut Piniarnermut Nunalerinermullu Naalakkersuisoqarfik (Departementet for Fiskeri og Fangst), Isumaginninnermut Sulisoqarnermullu Naalakkersuisoqarfik (Departementet for Sociale Anliggende og Arbejdsmarked), Ilinniartitaanermut, Kultureqarnermut, Timersomermut Ilageeqar-nermullu Naalakkersuisoqarfik (Departementet for Uddannelse, Kirke, Idræt og Kultur), Peqqissutsimut Naalakkersuisoqarfik (Departementet for Sund-hed), Nunalerinermut, Imminut Pilersornermut, Nukissiutitut Avatangiisin-nullu Naalakkersuisoqarfik (Departement for Landbrug, Selvforsyning, Energi og Miljø), Ineqarnermut, Attaveqaqatiginnermullu, Naligiissitaaner-mullu Naalakkersuisoqarfik (Departementet for Boliger, Infrastruktur og Ligestilling), Aatsitassanut Inatsisit Atuutsinneqarnerannut Naalakkersuisoqarfik (Departementet for Råstoffer og Justitsområdet), og Meeqqa-nut, Inuusuttunut, Ilaqutariinnullu Naalakkersuisoqarfik (Departementet for Børn, Unge og Familier).

11. Skema eqikkaassutaasoq

	Kinguneri pitsaasut / aningsaartuutikinneruffiit	Kinguneri pitsaanngitsut / aningsaartuuteqarneruffiit
--	---	--

MISSINGIUT

	(aappiuppat, annertussusaa / naaggaappat allaguk »Soqanngilaq«)	(aappiuppat, annertussusaa / naaggaappat allaguk »Soqanngilaq«)
Naalagaaffimmut, kommuninut aamma nunap ilaanut aningaasaqar- nikkut kinguneri	Soqanngilaq	Soqanngilaq
Naalagaaffimmut, kommuninut aamma nunap ilaanut atuutiller- sitsinerup kinguneri	Pingaarutilimmik soqanngilaq?	Sunniuteqanngilaq
Inuussutissarsiornermut aningaasaqarnikkut kinguneri	Soqanngilaq	Soqanngilaq
Inuussutissarsiornermut allaffissornikkut kinguneri		Soqanngilaq
Innuttaasunut allaffissornikkut kinguneri	Inatsisissatut siunnersuut CPR-i pillugu inatsimmi § 24, imm. 5-ip aamma 6-ip Kunnigip Peqqussutaatigut Kalaallit Nunaannut atuutillersitsinikkut, CPR-imi Kalaallit Nunaanniit aallaqqasutut nalunaarsorneqartarunnaartussanut innuttaasunut allaffissornikkut pitsaasumik kinguneqarnissaa naatsorsuutigineqarpoq. Tamatuma saniatigut inuit pineqartut, tamatuma sunniutaanik Folketing-imut qinersinermut qinigassat allattorsimaffiannut ilanngunneqarnissaq pillugu qinnuteqartariaqarunnaassapput.	
Silaannaap pissusaa eqqarsaatigalugu kinguneri	Soqanngilaq	Soqanngilaq
Avatangiisit- pinngortitarlu eqqarsaatigalugit kinguneri	Soqanngilaq	Soqanngilaq
EU-mi eqqartuussiveqarnermut naleqqiullugu pissutsit	Siunnersuut EU-mi eqqartuussiveqarnermut tunngassuteqanngilaq	
Inuussutissarsiornermut sammisumik EU-miit nalimmassaanermut atuuti- lersitsinermut najoqqutassianut akker- liuvoq/EU-miit nalimmassaanermi minnerpaaffiliussanut naleqqiullugu ingerlaqqippoq	Aap	Naagga X

MISSINGIUT

(X-ileruk)	
------------	--

*Inatsisissatut siunnersuummi aalajangersakkanut ataasiakkaanut
nassuiaatit*

§ 1-imut

Nr. 1-imut

Qitiusumik Inunnik Nalunaarsuiffik pillugu inatsimmik Kalaallit Nunaannut atuutilersitsineq pillugu Kunngip peqqussutaatigut nr. 1198, 29. november 2006-imeersukkut, CPR-i pillugu inatsit, ulloq 1. januar 2007-imi sunniuteqalersumik, Kalaallit Nunaannut atuutilersinneqarsimavoq.

Kinaluunniit nunanut allanut nuuttoq, CPR-imi aallaqqasutut nalunaarsorneqassasoq, CPR-i pillugu inatsimmi § 24, imm. 1-imi aalajangersagaavoq, taamaattoq tak. Imm. 5-6 aamma § 25, imm. 3. Aallarnej sioqqullugu kommunimut najugarisamut nuunneq pineqartup nalunaarutigissavaa. Qaammatit arfinillit sinnerlugit nunani allaniinneq, nunanut allanut nuunnertut nalunaarutigineqartassaaq. Nunani allaniinneq qaammatini arfinilinni imaluunniit sivikinnerusumik sivilussuseqarpat, maannamullu najugarisimasaq tamakkiisumik pigiinnarneqarpat, pineqartoq qinnuteqarneq malillugu tassani najugaqartutut nalunaarsorsimaannarnissamut pisinnaatitaavoq, taamaattoq tak. § 25, imm. 2. Nunani allaniinnermi qaammatini arfinilinni imaluunniit sivikinnerusumik sivilussusilimmi, maannamut najugarisimasaq tamakkiisumik pigiinnarneqanngippat, nunanut allanut nuunnerunersoq imaluunniit taamaanngitsoq pineqarnersoq kommunalbestyrelsi pisumik aalajangersimasumik tamatuminnga naliliissaaq.

Qallunaat naalagaaffiannit naalagaaffiup avataanut suliartoqqullugit aallaqqusaasut inuit, § 24, imm. 1-imi aalajangersagaq apeqqutaatinnagu, aallaqqasutut nalunaarsugaanngisaannassasut, CPR-i pillugu inatsimmi § 24, imm. 5-imi aalajangersagaavoq, taamaattoq tak. Nunat Avannarliit iluanni nuuttarnerit pillugit § 25, imm. 1-i.

CPR-i pillugu inatsimmi § 24, imm. 6-i malillugu, taamatuttaaq pineqartut inooqatigiisut katisimappata, imaluunniit imminnut nalunaarsugaasumik aappariippata imaluunniit katissinnaanissamut, imaluunniit nalunaarsugaasumik aappariinnissamut piumasagaatinik naammassinnippata, aallarnerlu sioqqullugu illoqatigiinnermik pilersitsisimappata, inuk, illoqatigiiffiusumi inummik imm. 5-imut ilaatinneqartumik inooqateqartoq, aallaqqasutut nalunaarsugaassanngilaq. Tamatuma assigisaanik, angajoqqaaminni najugaqarpata, 18-t ataallugit ukiulinnut meeraannut tamanna atuuppoq.

CPR-i pillugu inatsimmi § 24, imm. 5-i aamma 6-i, Kalaallit Nunaannut atuutilersinneqanngillat. Taamaattumik naalagaaffimmi atorfeqartitaasut, Kalaallit Nunaanniit naalagaaffiup avataanut suliartoqqusaasut, Kunngip peqqussutaatigut atuutilersinneqartoq CPR-i pillugu inatsimmi § 24, imm. 1-i malillugu CPR-imi aallaqqasutut nalunaarsorneqartarput. Ilaqutaasinnaasunut ilaatinneqartunut pissutsit assingusut atuupput. Inatsisissatut siunnersuummi nassuiaatini nalinginnaasuni immikkoortumi 2.1.1.-i aamma Inatsisissatut siunnersuummi § 1, nr. 3-mut nassuiaatit, tamatumani, CPR-i pillugu inatsimmi § 24, imm. 5-imik aamma 6-imik Kunngip peqqussutaatigut Kalaallit Nunaannut atuutilersitsinissamut, inatsisitigut tunngavissamik nutaamik pilersitsisoqarnera, sukumiinerusumik takukkit.

Kunngip peqqussutaatigut CPR-i pillugu inatsimmi § 24, imm. 5-ip atuuttup Kalaallit Nunaannut atuutilersinneqarnerani, Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut suliartoqqusaasut inuit, Kunngip peqqussutaatigut Kalaallit Nunaannut atuutilersinneqartumi, CPR-i pillugu inatsimmi § 24, imm. 1-imi aallaqqanermut nalunaarsugaanermut maleruagassanut nalinginnaasunut suli ilaatinneqassapput. Pineqartoq piffissami aallartitaaffiup nalaani, assersuutigalugu København-imi Kalaallit Nunaata sinniisoqarfiani pineqartup sulinera pillugu, Danmark-imi najukkamik nalunaarsugaappat, pissutsit taamaattut atuupput.

Inatsisissatut siunnersuummi siunnersuutaavoq CPR-i pillugu inatsimmi § 24, imm. 5-imi, oqaaseqatigiit aappaattut ikkunneqassasut uku: »Kalaallit Nunaanni Namminersorlutik Oqartussanit atorfeqartinneqartunut naalagaaffiullu avataanut suliartoqqusaasunut inunmut tamanna taamatuttaaq atuuppoq«.

Siunnerdsuut malillugu, inuit Namminersorlutik Oqartussat ataani atorfillit naalagaaffiullu avataanut sulinermut atatillugu aallartinneqartut aallaqqanerminni CPR-ikkut aallaqqasutut nalunaarsorneqassanngillat.

Taanna CPR-imi inatsimmi § 24, imm. 5, oqaaseqatigiit aappaattut siunnersuutigineqartumik, Kalaallit Nunaanni Namminersorlutik Oqartussani Nunanut allanut Naalakkersuisoqarfimmi atorfeqartinneqartut naalagaaffiullu avataani qallunaat sinniisoqarfiannut suliartoqqusaasut inuit immikkut eqqarsaatigineqarput.

Aallartitaanermi piffissap nalaani pissutsinut taamaallaat aalajangersagaq attuumassuteqarpoq, tassa imaappoq piffissaq aallarfik aallarnerfigalugu. Kalaallit Nunaanni Namminersorlutik Oqartussani Nunanut allanut Naalakkersuisoqarfimmi atorfeqartinneqartut naalagaaffiullu avataani qallunaat sinniisoqarfiannut suliartoqqusaasoq, aallartitaanermut pineqartumut piffissami, CPR-imi aallaqqasutut nalunaarsugaareersimappat, aalajangersagaq atuutinngilaq.

CPR-i pillugu inaatsimmi § 24, imm. 5-imik allannguinerup, ilaquataasut ilaatitaasut CPR-i pillugu inatsimmi § 24, imm. 6-imut ilaatinneqartut, nunani allamiinnerup nalaani CPR-imi aallaqqasutut nalunaarsugaannginnissaat, nassataraa.

Taamaalilluni malitsigitatut CPR-i pillugu inatsimmi § 24, imm. 5-ip aamma 6-ip Kunngip peqqussutaatigut – naalagaaffiup inatsisissatut siunnersuummi §§ 1, nr. 3 aamma 5 atorlugu piginnaatitsissutaasinnaalernissaanik siunnersuuteqarnermikkut - Kalaallit Nunaannut atuutilersitsinermi, Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut

suliartoqqusaasut inuit, kiisalu taakkua ilaqutarisinnaasaat ilaatitaasut, nunani allaniinnerup nalaani CPR-imi aallaqqasutut nalunaarsorneqartassanngillat, aallartitaanerup nalaani Danmark-imi imaluunniit Kalaallit Nunaanni najugaqartutut najukkamik nalunaarsugaanersut apeqqutaatinnagu.

Maannamut najugarisap tamakkiisumik pigiinnarsinnaannginnera nunanilu allaniinnerup qaammatit arfinillit sinnerlugit sivilissuseqarnera apeqqutaatinnagit, pineqartoq inuk aallaqqasutut nalunaarsorneqanngisaannassasoq, aalajangersakkap nassataraa. Pineqartoq maannamut najukkamini, imaluunniit taanna taamaatiinnarneqarpat, kommunimi najukkamini aalajangersimasumik najugaqanngitsutut, nalunaarsorsimaannassaaq. Aallartitaqqanerup nalaani pineqartup nunani allani najukkatut sumiiffigigallagaa (udenlandsadresserigallagaa) CPR-imi najukkatut sumiiffittut ilanngussatut nalunaarsorneqarsinnaavoq.

Tamatuma saniatigut inatsisissatut siunnersuummi nassuiaatini nalinginnaasuni immikkoortumi 2.1.-imut aamma inatsisissatut siunnersuummi § 1, nr. 3-mut taakkununngalu nassuiaatinut, innersuussisoqarpoq.

Nr. 2-mut

CPR-i pillugu inatsimmi § 24, imm. 5-imi aalajangersagaavoq, qallunaat naalagaaffiannit naalagaaffiup avataanut suliartoqqullugit aallartitaasut inuit, § 24, stk. 1-imi aalajangersagaq apeqqutaatinnagu, aallaqqasutut nalunaarsugaanngisaannassasut, taamaattoq tak. Nunat Avannarliit iluanni nuuttarneq pillugu § 25, imm. 1-i.

CPR-i pillugu inatsimmi § 24, imm. 6-i malillugu, inuk, imm. 5-imut ilaatinneqartumik inummik ineqatigiillutik inooqateqartoq, taakku inooqatigiit katissimappata imaluunniit nalunaarsugaasumik inooqatigiippata, imaluunniit katissinnaanissamut imaluunniit nalunaarsugaasumik inooqatigiissinnaanissamut piumasaqaatinik

naammassinnippata, aallarnissarlu sioqqullugu illoqatigiinnissamik pilersitsisimappata, taamatuttaaq aallarsimasutut nalunaarsugaassanngilaq. Taamatuttaaq, taakkua 18-it inorlugit ukiulinnut meeraannut, taakku angajoqqaaminni najugaqarpata, tamanna atuuppoq.

CPR-i pillugu inatsimmi § 24, imm. 7-imi aalajangersarneqarpoq, inuit, sulinerminnut assingusumulluunniit atatillugu qaammatit arfinillit sinnerlugit piffissap annerpaartaani nunani allani unnuisartut, kisiannili piffissap taassuma iluani weekednini, ulluni sulinngiffeqarfinni, ferieni assigisaannilu maani nunami angerlarsimaffillit, tak. § 6, imm. 1, § 24, imm. 1-imi aalajangersakkat atuukkaluartut, piginnaatitaaffeqarput najukkaminni maani nunami nalunaarsoqqaannarnissaminut, takujulli § 25, imm. 1.

CPR-i pillugu inatsimmi § 24, imm. 8-mi aalajangersarneqarpoq, umiartortut maani nunami iniminnik tigumminniinnartut, tak. § 6, imm. 1, ullut amerlanersaat sulinngiffeqarnermi, ferieni assigisaannilu angerlarsimasartut, § 24, imm. 1-imi aalajangersakkat atuukkaluartut, pisinnaatitaaffeqarmata maani nunami najugalittut nalunaarsorneqarnissamik.

CPR-i pillugu inatsit § 24, imm. 9 malillugu, inuk inummik ineqatigiillutik inooqateqartoq imm. 7 imal. 8-mi eqqaaneqartumi, suliffitsillugu peqquugalugu assigiimmik najukkameeriaaseqarnerat pillugu najukkaminni nalunaarsorneqaannaqqasinnaapput, taakku inooqatigiit marluk katissimappata imaluunniit nalunaarsugaasumik inooqatigiippata, imaluunniit katissinnaanissamut imaluunniit nalunaarsugaasumik inooqatigiissinnaanissamut piumasaqaatinik naammassinnippata, najukkamullu isertersimappata taamatut najugaqariaatsip aallartinnginnerani. Assinganik atuuppoq meeraannut 18-it inorlugit ukiulinnuk, angajoqqaatik najugaqatigippasigit.

Katinneq aamma avinneq pillugit inatsimmik allanngineq pillugu inatsisikkut nr. 532, 12. juni 2012-imeersukkut, katisimanerup inatsisitigut sunniutai pillugit inatsisikkut, aamma eqqartuussisaaseq pillugu

inatsisikkut, aamma nalunaarsugaasumik aappariittarneq pillugu inatsimmik atorunnaarsitsineq pillugu inatsisikkut (Inuit suaassuseqatigiit marluk akornanni katinneq), nalunaarsugaasumik aappariittarneq pillugu inatsit atorunnaarsinneqarpoq.

Tamatuma malitsigisaanik inatsisissatut siunnersuutaavoq, § 24, *imm. 6-imi aamma § 25, imm. 9-mi* piumasaqaat »katissinnaanissamut imaluunniit nalunaarsugaasumik aappariinnissamut piumasaqaatinik naammassinnittut«, allanngortinneqassasoq imaalillugu: »katissinnaanissamut piumasaqaatinik naammassinnittut«.

Inatsisissatut siunnersuummi siunnersuutaasoq, taamaalilluni nalunaarsugaasumik aappariilernissamut periarfissamik atorunnaarsitsinermik teknik-ikkut kinguneruvoq, kukkusoqarneratigut allanngortinneqanngitsoorsimasoq nalunaarsugaasumik aappariilernissamut periarfissamik atorunnaarsitsinermi.

Nalunaarsugaasumik aappariittarneq pillugu maleruagassat, Kunngip peqqussutaatigut Kalaallit Nunaannut atuutilersinneqarsimapput, kisianni Kunngip peqqussutaatigut nr. 197, 10. marts 2016-imeersukkut, ilaatigut nalunaarsugaasumik aappariittarneq pillugu inatsimmik atorunnaarsitsineq pillugu inatsit nr. 532, 12. juni 2012-imeersoq Kalaallit Nunaannut atuutilersinneqarsimalluni.

Inatsisissatut siunnersuutip § 5-ip kingunerisaanik allannguutissatut siunnersuutigineqartoq inatsisissatut siunnersuummi § 1, nr. 2, Kalaallit Nunaannut atuutilersinneqassaaq allannguutit Kalaallit Nunaanni pissutsinut tulluartut ilanngullugit.

Nr. 3-mut

Kalaallit Nunaanni inunnik nalunaarsuivik, 1972-illi kingorna CPR-ip ilagisimavaa. CPR-i pillugu inatsit, arlalinnguanik ilanngutinngisaqartillugu 1. januar 2007-imiit sunniuteqartumik, Qitiusumik Inunnik Nalunaarsuiffik pillugu inatsimmik Kalaallit Nunaannut atuutilersitsineq pillugu Kunngip

peqquussutaatigut nr. 1198, 29. november 2006-imeersukkut Kalaallit Nunaannut atuutilersinneqarsimavoq.

2007-imi Kunngip peqqussutaatigut CPR-i pillugu inatsimmik Kalaallit Nunaannut atuutilersitsinermi, CPR-i pillugu inatsimmi § 24, imm. 5-i aamma 6-i Kalaallit Nunaannut atuutilersinneqanngillat.

Qallunaat inatsisaannik taamaallaat ataasiaannarluni Kunngip peqqussutaatigut Kalaallit Nunaannut atuutilersitsisoqarnissaanut inatsisitigut tunngavissaqartarmat, Naalagaaffiup Iluani pissutsinut- aamma Ineqarnermut Minister-i, CPR-i pillugu inatsimmi § 24, imm. 5-imik aamma 6-imik, Kunngip peqqussutaatigut Kalaallit Nunaannut atuutilersitsissalluni piginnaatitaanngilaq. Nassuiaatini nalinginnaasuni immikkoortoq 2.1.-imut innersuussisoqarpoq.

Siunnersuutigineqarpoq inatsisip § 60, imm. 1, pkt. 2-mi ikkunneqassasoq: »§ 24, imm. 5 aamma 6, 1. pkt-ip malitsigisaanik Kalaallit Nunannut atuutilersinneqanngitsoq, kunngip peqqusineratigut Kalaallit Nunaannut atuutilersinneqarnissaa, allannguutit Kalaallit Nunaanni pissutsinut tulluurtut ilanngullugit«

Taamaalilluni tamatuma malitsigisaanik CPR-i pillugu inatsimmi § 24, imm. 5-i aamma 6-i Kunngip peqqussutaatigut Kalaallit Nunaannut atuutilersinneqarumaarpoq.

Tamatuma sanatigut inatsisissatut siunnersuummi nassuiaatinut nalinginnaasuni immikkoortoq 2.1.-imut innersuussisoqarpoq.

§ 2-mut

Nr. 1-imut

Tunngaviusumik inatsimmi § 29, imm. 1-i malillugu, Folketing-imut qinersisinnaatitaanissamut, naalagaaffimmi aalajangersimasumik najugaqarnissaq piumasaqaataavoq. Kalaallit Nunaanni folketing-imut

qinersisarneq pillugu inatsimmi § 3-mi atuuttumi, naak nunani allaniikkallaraluarlutik naalagaaffimmut immikkut ittumik taamaattumik attuumassuteqaannarsimasunik, taamaattoq naalagaaffimmi aalajangersimasumik najugaqarneq pillugu tunngaviusumik inatsimmi piumasaqaatinik naammassinnittutut isigineqartut, inuit eqimattat arlallit taagorneqarput. Immikkoortoq 2.2.1. takuuk.

Kalaallit Nunaanni folketing-imut qinersisarneq pillugu inatsimmi § 3, imm. 1-imi nutaatut ilanngussassatut siunnersuutigineqarpoq: »Kalaallit Nunaanni Namminersorlutik Oqartussanit atorfeqartinneqartut naalagaaffiullu avataanut suliartoqqusaasut inuit, taakkualu inooqatigalugit aapparisaat, naalagaaffimmi aalajangersimasumik najugaqartutut isigisaanissaat, nassatarissavaa. Tamanna, qallunaat naalagaaffiannit atorfeqartinneqartunut naalagaaffiullu avataanut suliartoqqusaasunut inunnut, taakkualu inooqatigalugit aapparisaannut taamatuttaaq atuukkumaarpoq«

Taamatut allannguutissatut siunnersuutip kingunerissava inuit eqimattat naalagaaffimmi iluani najugaqavissutut isigineqartut annertusineqarnerat, Kalaallit Nunaanni folketingimut qinersisarneq eqqarsaatigalugu.

Siunnersuutaasuni 1.pkt-imi, Kalaallit Nunaanni Namminersorlutik Oqartussani Nunanut allanut Naalakkersuisoqarfimmi atorfeqartinneqartut qallunaallu nunani allani sinniisoqarfiini sulisoqarfiannut suliartoqqusaasut inuit pingaarnertut eqqarsaatigineqarput. § 3, imm. 1, *oqaaseqatigiit aappaanni* siunnersuutaasumi, assersuutigalugu nunani allani qallunaat diplomatiattut imaluunniit aallartitaqarfiannut sinniisutut imaluunniit nunani tamalaani kattuffikkut, aamma inuit nunani allani eqqissisimanissamik nakkutiginninnermik suliassanik Illersornissaqarfimmiit imaluunnit Sillimaniarnermut Aqutsisoqarfimmiit il.il. aallartitaasut inuit, qallunaat naalagaaffiannit atorfeqartinneqartut naalagaaffiullu avataanut suliartoqqusaasut inuit eqqarsaatigineqarput.

Inatsisissatut siunnersuummi § 1, nr. 3 naapertorlugu CPR-i pillugu inatsimmi § 24, imm. 5-imik aamma 6-imik Kalaallit Nunaannut

atuutilersitsinissamik eqqarsaatigineqartumut, inuit ilaatinneqartut, aallartitaanermut piffissami Kalaallit Nunaanni najukkamik nalunaarsugaasimappata, Kalaallit Nunaanni najukkamik nalunaarsorsimaannassapput. Taamaattumik inunnut eqimattanut taakkununga qinigassat allattorsimaffiannut ilanngunneqarnissaq, Kalaallit Nunaanni folketing-imut qinersisarneq pillugu inatsimmi §§ 13-i aamma 16-i naapertorlugit, isumamineertumik piimaarpoq. Taamaattoq qinersisartut CPR-i pillugu inatsimmi § 24, imm. 5-imik aamma 6-imik atuutilersitsinerup siorna, Kalaallit Nunaanni Namminersorlutik Oqartussanit imaluunniit qallunaat naalagaaffiannit naalagaaffiup avataanut suliartoqqusaasut, tamatumunnga maleruagassat atuuttut malillugit Kalaallit Nunaanniit aallaqqasutut CPR-imi nalunaarsugaariissapput. Taamaalillutik inuit taakku isumamineertumik qinigassat allattorsimaffiannut ilanngunneqarnissamut piumasaqaatinik naammassinnissinnaassanngillat, kisianni siunnersuutaasumi Kalaallit Nunaanni folketing-imut qinersisarneq pillugu inatsimmi § 15, imm. 1-i aamma 2 naapertorlugit qinnuteqarneq malillugu qinigassat allattorsimaffiannut ilanngunneqarsinnaallutik. Taamatuttaaq § 3, imm. 1-imut siunnersuutaasumut ilaatinneqartunut inunnut, kisianni naalagaaffiup avataanut suliartoqqusaanermi aallatitaanermi piffissami, CPR-imi aallaqqasutut nalunaarsoreeqqasunut, imaluunniit inummut taamaattumut aappaasumut, aallartitaanerup nalaani katittoqarsimatillugu, aamma taanna aapparisaq katinnermi, nunani allani najugaqarsimappat tamatumunngalu maleruagassat nalinginnaasut malillugit CPR-imi aallaqqasutut nalunaarsugaasunut, ilaatigut atuutissaaq.

Tamatuma saniatigut nassuiaatini nalinginnaasuni immikkoortumut 2.2.3.-mut innersuussisoqarpoq.

Nr. 2-mut

Tunngaviusumik inatsimmi § 29, imm. 1-i malillugu, Folketing-imut qinersisinnaatitaanermut, naalagaaffimmi aalajangersimasumik najugaqarnissaq piumasaqaataavoq. Kalaallit Nunaanni Folketing-imut qinersisarneq pillugu inatsimmi § 3-mi, naak nunani allaniikkallaraluarlutik,

naalagaaffimmut immikkut ittumik attuumassuteqaannartut, taamaalillutik naalagaaffimmi aalajangersimasumik najugaqarnissamik tunngaviusumik inatsimmi piumasaqaataasumik naammassinnittuusutut isigineqartut, inuit eqimattat arlallit taagorneqarput.

Siunnersuutigineqarpoq § 3, imm. 1-imi, imm. 2-nngortussami, »isigisaanissaat« kingorna ikkunneqassasoq: »taamatuttaaq«.

Allannguutissatut siunnersuut § 3-p kinguneraa, inatsisissatut siunnersuummi nunani allaniinnerup sivisussusaa apeqqutaatinnagu, Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartinneqartunik naalagaaffiullu avataanut suliartoqqusaasunik inunnik aammattaaq ilaqalersillugu annertusineqassasoq inatsisissatut siunnersuummik matuminnga siunnersuutaavoq, tak. Inatsisissatut siunnersuummi § 2, imm. 1. Oqaasertaatigut kingunerititamik allannguineq, imarisaa eqqarsaatigalugu sunniuteqanngitsoq, matumani pineqarpoq.

Nr. 3-mut

Tunngaviusumik inatsimmi § 29, imm. 1-i malillugu, Folketing-imut qinersisinnaatitaanissamut naalagaaffimmi aalajangersimasumik najugaqarnissaq piumasaqaataavoq. Naak nunani allaniikkallaraluarlutik naalagaaffimmut immikkut ittumik taamaattumik attuumassuteqaannartut, taamaalillutillu tunngaviusumik inatsimmi naalagaaffimmi aalajangersimasumik najugaqarnissamik piumasaqaammik naammassinnittutut isigineqartut, Kalaallit Nunaanni folketing-imut qinersisarneq pillugu inatsimmi § 2, imm. 1-imi atuuttumi inuit eqimattat arlallit taagorneqarput. Aammattaaq aappaasut, inunnik taakkuninnga inooqateqartut, aalajangersakkamut ilaatinneqarput. Kalaallit Nunaanni folketing-imut qinersisarneq pillugu inatsimmi § 3, imm. 2-mi, inatsisissatut siunnersuummi § 3, nr. 1-imik imm. 3-nngortumi, aalajangersagaq atuuttoq malillugu, aallarnek sioqqullugu ineqatigiinneq pilersinneqarsimappat, inunnut taakkununga katisimanatik inooqataasut, katisimallutik inooqatigiittunut assigiissinneqarput.

Siunnersuutigineqarpoq § 3, imm. 2-mut 3-nngortussamut innersuussineq allanngortinneqassasoq imaalerluni: »tak. Imm. 1«-miit »tak. Imm. 1 aamma 2«-mut.

Inuit eqimattat taakku, nunani allaniinneq apeqqutaatinnagu naalagaaffimmi aalajangersimasumik najugaqartutut isigisaasut, inatsisissatut siunnersuummi tak. § 2, nr. 1-imi, aammattaaq inunnik Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartinneqartunik naalagaaffiullu avataanut suliartoqqusaasunik, taakkualu inooqatigalugit aapparisaannik ilaqalersillugit annertusineqassasut, allannguutissatut siunnersuutip kingunerisaanik inatsisissatut siunnersuummik siunnersuutaavoq. Tamatuma kingunerisaanik § 3, imm. 2-mi, imm. 3-nngortumi innersuussineq imm. 1-imik aamma 2-mik ilaqalersillugu, taamaalilluni inunnut eqimattanut tamanut katisimanngitsut inooqatigiisusut, katisimallutik inooqatigiisusunut assigiissinneqalersillugit, annertusineqassasoq siunnersuutaavoq.

Nr. 4-mut

Qinersisartut, kommunit aggornerisa avataanni Kalaallit Nunaanni sumiiffinnut inunnik nalunaarsugaasut, Nuuk (Godthåb) Kommunimi qinigassat allattorsimaffiannut ilanngunneqassasut, Kalaallit Nunaanni folketing-imut qinersisarneq pillugu inatsimmi § 14-imi atuuttumi allassimavoq.

§ 14-imi taaguut Nuuk (Godthåb) Kommune, Kommuneqarfik Sermersuumut (Sermersooq Kommunimut) allanngortinneqassasoq, siunnersuutaavoq.

Nuuk Kommunip 1. januar 2009-miit, Paamiut Kommunimut, Ittoqqortoormiit Kommunimut aamma Tasiilaq Kommunimut Kommuneqarfik Sermersuunngortillugu (Sermersooq

Kommuninngortillugu) kattunneqarnerata kingunerisaanik siunnersuutaavoq.

Nr. 5-imut

Nunani allaniittunik, qinersisartunik Kalaallit Nunaanni qinigassat allattorsimaffiannut ilanngussineq, Kalaallit Nunaanni folketing-imut qinersisarneq pillugu inatsimmi § 15-imi maleruagassiugaavoq. Qinersisartut § 3-mut ilaatinneqartut, kingullermillu Kalaallit Nunaanni kommunimi inunnik nalunaarsuivimmut ilanngunneqarsimasut, qinnuteqarneq malillugu kommunimi tassani qinigassat allattorsimaffiannut ilanngunneqassasut, § 15, imm. 1, oqaaseqatigiinni siullerni atuuttumi allassimavoq. Qinersisartut § 3-mut ilaatinneqartut, kingullermillu kommunit aggornerisa avataanni Kalaallit Nunaanni sumiiffinnut inunnik nalunaarsuivimmut ilanngunneqarsimasut, qinnuteqarneq malillugu Nuuk kommunimi qinigassat allattorsimaffiannut ilanngunneqassasut, § 15, imm. 2, oqaaseqatigiinni siullerni atuuttumi allassimavoq.

Siunnersuutigineqarpoq § 15, imm. 1, 1.pkt aamma imm. 2, 1.pkt-imi »§ 3-mut ilaatinneqartut« kingorna ilanngunneqassasoq: »nunani allamiinnerminni Qitiusumik Inuit Allattorsimaffianni (CPR) aallaqqasutut nalunaarsorneqarnikut,«.

Taamaallaat qinersisartut § 3-mut ilaatinneqartut, nunani allaniinnermut atatillugu CPR-imi aallaqqasutut nalunaarsugaasut, qinnuteqarnerup kingorna qinigassat allattorsimaffiannut ilanngunneqartassasut, allannguinnermik siunnersuummik aalajangersarneqarpoq. Qallunaat folketing-imut qinersisarneq pillugu inatsisaanni § 16, imm. 1, oqaaseqatigiit siulliit malillugit atuuttut, tamatuma assigaa.

Kalaallit Nunaanni Namminersorlutik Oqartussanit imaluunniit qallunaat naalagaaffiannit atorfeqartinneqartut naalagaaffiullu avataanut suliartoqqusaasut inuit, aallartitaanermullu piffissap nalaani Kalaallit Nunaanni najukkamik nalunaarsugaasut, siunissami aallartitaanerup nalaani Kalaallit Nunaanni najukkamik nalunaarsugaaginnartarnissaannik

nassaqartumik, CPR-i pillugu inatsimmi § 24, imm. 5-imik aamma 6-imik Kalaallit Nunaannut atuutilersitsinissamik eqqarsaatigineqartumik, allannguneq ataqateqarpoq. Taamaattumik qinersisartut taakku pingaarnertut, Kalaallit Nunaanni folketing-imut qinersisarneq pillugu tak. inatsimmi §§ 13-i aamma 14-i atuuttut naapertorlugit isumamineertumik (tassa imaappoq qinnuteqaqqaarnatik) qinigassat allattorsimaffiannut ilanngunneqartassapput.

Tamatuma saniatigut inatsisissatut siunnersuummi § 1, nr. 1-imut aamma § 2, nr. 1-imut nassuiaatinut innersuussisoqarpoq.

Nr. 6-imut

§ 3-mut ilaatinneqartut qinersisartut, kingullermillu Kalaallit Nunaanni kommunit aggornerisa avataanni sumiiffinnut inunnik nalunaarsuiffinnut ilannguteqqasut, qinnuteqarneq malillugu Nuuk Kommunimi qinigassat allattorsimaffiannut ilanngunneqassasut, § 15, imm. 2, oqaaseqatigiinni siullerni atuuttuni allassimavoq. Kalaallit Nunaanni kommunit aggornerisa avataanniittunut sumiiffinnut inunnik nalunaarsuiffik tunngavigalugu kommunimi qinersisartunut Nuuk Kommunimut allattorsimaffik pingaarnaq aammattaaq suliarineqassasoq, § 16, imm. 3, oqaaseqatigiinni siullerni atuuttuni allassimavoq. Kalaallit Nunaanni kommunit aggornerisa avataanniittumut sumiiffimmut ukiup ingerlanerani nuuttut qinersisartut, aammalu §§ 13-imi aamma 15-imi maleruagassat malinnagit kommunip qinigassanut allattorsimaffianut ilanngunneqarsimasut, Nuuk Kommunimi nuuttunut qinigassanut allattorsimaffimmut ilanngunneqassasut, § 18, imm. 3, oqaaseqatigiinni siullerni atuuttuni allassimavoq.

§ 15, imm. 2, oqaaseqatigiinni siullerni, § 16, imm. 3, oqaaseqatigiit aappaanni aamma § 18, imm. 3, oqaaseqatigiinni siullerni taaguut Nuuk (Godthåb) Kommune, Kommuneqarfik Sermersuumut (Sermersooq Kommunimut) allanngortinneqassasoq, siunnersuutaavoq.

Nuuk Kommunip 1. januar 2009-miit, Paamiut Kommunimut, Ittoqqortoormiit Kommunimut aamma Tasiilaq Kommunimut Kommuneqarfik Sermersuunngortillugu (Sermersooq Kommuninngortillugu) kattunneqarnerata kingunerisaanik siunnersuutaavoq.

Nr. 7-imut

§ 3-mut ilaatinneqartut qinersisartut, kingullermillu Kalaallit Nunaanni kommunit aggornerisa avataanni sumiiffinnut inunnik nalunaarsuiffinnut ilannguteqqasut, folketing-imut qinersinermut qinigassat allattorsimaffiannut ilanngunneqarnissaq pillugu qinnuteqaammik, Kalaallit Nunaanni Namminersornerullutik Oqartussat Akileraartarnermut Naalakkersuisoqarfianni inunnik nalunaarsuiffimmut tunniussissasut, § 15, imm. 2, oqaaseqatigiit aappaanni allassimavoq.

§ 15, imm. 2, oqaaseqatigiit aappaanni allassimasoq Kalaallit Nunaanni Namminersornerullutik Oqartussat Akileraartarnermut Naalakkersuisoqarfiat, Akileraartarnermut Aqutsisoqarfinngortillugu (Kalaallit Nunaanni Namminersorlutik Oqartussat Akileraartarnermut Aqutsisoqarfinngortillugu) allanngortinneqassasoq siunnersuutaavoq. Kalaallit Nunaanni Namminersornerullutik Oqartussat Akileraartarnermut Naalakkersuisoqarfianni inunnik nalunaarsuiffik atorunnaarsinneqarsimanerata, tamatumanilu suliassarineqartartut Akileraartarnermut Aqutsisoqarfimmut (Kalaallit Nunaanni Namminersorlutik Oqartussat Akileraartarnermut Aqutsisoqarfiannut) nuunneqarsimanerisa kingunerisaanik siunnersuutaavoq.

Nr. 8-mut

Kalaallit Nunaanni folketing-imut qinersisarneq pillugu inatsimmi § 15, nunani allaniittut qinersisartut Kalaallit Nunaanni qinigassat allattorsimaffiannut ilanngunneqarnissaat pillugu maleruagassanik imaqarpoq qinersisartunut, CPR-imi aallaqqasutut nalunaarsorneqarsimasunut, § 3-lu naapertorlugu qinersisinnaatitaanerminnik piginniinnartunut. Inatsisit atuuttut

naapertorlugit tunngavissaqanngilaq inuk Kalaallit Nunaanni qinersisussat allattorsimaffiannut ilanngunneqassasoq, pineqartoq Danmarkimi najugaqartutut nalunaarsoqqappat.

Siunnersuutigineqarpoq immikkoortunik nutaanik ilanngussisoqassasoq soorlu § 15, imm. 3 aamma 4, tunngavissaqartitsilernissamut aqutissiuussisussamik, inunnut Namminersorlutik Oqartussat ataani naalagaaffiulluunniit iluani atorfeqartunut, naalagaaffiullu avataanut suliartortitaallutik angalatitaasunut.

Imm. 3-mi siunnersuutigineqartoq malillugu, qinersisartut, § 3, imm. 1, 1 pkt.-imi imaluunniit § 3 imm. 3-mi pineqartut, tak. § 3, imm. 1, 1. pkt., naalagaaffiullu avataanut suliffimminniit aallartitaanermi Inuit Qitiusumik Allattorsimaffianni (CPR) kommunemi Danmarkimiittumi najugaqartutut nalunaarsorneqarsimasut, qinnuteqarnerup kingorna Kalaallit Nunaanni kommunemi Qitiusumik Inuit Allattorsimaffianni najugarisimasatut kingullertut allassimasumut qinersisartut allattorsimaffiannut ilanngunneqassapput. Allattorsimaffimmut ilanngunneqarnissamut qinnuteqaat kommunemi pineqartumi kommunalbestyrelsemut tunniunneqassaaq, tassani ilanngunneqassaaq qinnuteqartup nalunaarutaa qinersinerni taasisitsinernilu naalagaaffiup iluani ingerlanneqartuni taamaallaat Kalaallit Nunaanni qinersinissamik.

Imm. 4-mi siunnersuutigineqartoq malillugu qinersisartoq imm. 3-mi pineqartoq, kingullermik Kalaallit Nunaanni sumiiffinni kommunit aggornerisa avataanni najukkamik nalunaarsorsimaguni, qinersisartoq Kommuneqarfik Sermersuumi (Sermersooq Kommunimi) qinigassat allattorsimaffiannut ilanngunneqassaaq. Qinnuteqaat Akileraartarnermut Aqutsisoqarfimmut (Kalaallit Nunaanni Namminersorlutik Oqartussat Akileraartarnermut Aqutsisoqarfiannut) tunniunneqassaaq, tassani ilanngunneqassalluni naalagaaffimmi tamarmi ingerlanneqartuni folketing-imut qinersinermi aamma inuit taasitinneqarnerini, taamaallaat Kalaallit Nunaanni taasiumanera pillugu nalunaarut.

Imm. 3 aamma 4-mi qinnuteqaatit pineqartut nalunaarummik taama ittumik ilaqartinneqartassapput qinersisartut taakkua (killerujussuarmik amerlassuseqarnerannik naatsorsuutigineqartut), qinnuteqaat malillugu Kalaallit Nunaanni folketing-imut qinersinermi qinigassat allattorsimaffiannut qinnuteqareernerup kingorna ilanngunneqarumaarmata, aammalu tamatumunnga peqatigitillugu isumamineertumik folketing-imut qinersinermi qinigassat allattorsimaffiannut ilanngunneqarumaarmata najugaqarfittut kommunerisaminni Danmarkimi, tak. Qallunaat folketingimut qinersisarnermut inatsisaat § 15, § 18-imut attuumassutilik. Aammattaaq, naalagaaffimmi tamarmi ingerlanneqartartuni inunnik taasisitsisarnermi, qinersisartut taakku, soorlu Kalaallit Nunaanni folketing-imut qinersisarneq pillugu inatsimmi § 23 naapertorlugu Kalaallit Nunaanni, taamatuttaaq, Danmark-imi folketing-imut qinersisarneq pillugu inatsimmi § 96, imm. 2, oqaaseqatigiit siulliit naapertorlugit Danmark-imi qinigassat allattorsimaffiannut ilanngunneqarumaarput. Taamaalilluni qinersisartoq taamaattoq, folketing-imut qinersinermi tassani imaluunniit inunnik taasisitsinermi tassani, naalagaaffiup ilaanni arlalinni taasinissamut periarfissaqassaaq.

Qinersisartoq nalunaarsimanerminut akerliusumik soorlu Danmark-imi taamatuttaaq Kalaallit Nunaanni taasisimaguni, innersuunneqartumut matumani inatsisissatut siunnersuummi § 3, nr. 8 naapertorlugu qallunaat folketing-imut qinersisarneq pillugu inatsisaanni § 106, imm. 3 siunnersuutaasoq malillugu, qinersisartoq pillaatissinneqarsinnaavoq.

Siunnersuutigineqartoq § 15, imm. 3 imaluunniit 4 malillugu qinnuteqaat, aammattaaq inatsisissatut siunnersuummi § 2, nr. 9 naapertorlugu § 15-imi suleriaaseq atuuttoq malillugu suliarineqassaaq.

Nr. 9-mut

Kalaallit Nunaanni folketing-imut qinersisarneq pillugu inatsimmi § 15, imm. 3-mi aalajangersagaq atuuttoq malillugu, qinersisartunut § 3-mut ilaatinneqartunut, folketing-imut qinersinissamut qinigassat

allattorsimaffiannut ilanngunneqarnissaq pillugu qinnuteqaat, pineqartoq qallunaatut innuttaasutut pisinnaatitaaffeqartutut, 18-inik ukioqalereersutut aammalu nammineersinnaajunnaarsitaasimanngitsutut, kiisalu qanga kingullermik kommunip inunnik nalunaarsuiviani, imaluunniit Kalaallit Nunaanni kommunit aggornerisa avataanni sumiiffinnut inunnik nalunaarsuiffimmut ilaatinneqarsimanera pillugu paasissutissartalimmik, atsiornertalerlugu aalajangiiffiginissaanut Kalaallit Nunaanni Naalagaaffiup sinniisoqarfianut saqqummiunneqassaaq. Rigsombudsmandip aalajangiinera aqutsisoqarnikkut oqartussaaffeqarfimmut allamut tunniunneqarsinnaanngilaq.

Siunnersuutigineqarpoq § 15, imm. 1-4-mut, § 15, imm. 3, imm. 5-inngortussamut innersuusummik ilanngussisoqarnissaa.

Imm. 1, oqaaseqatigiit siulliit naapertorlugit § 3, imm. 1, oqaaseqatigiinnut siullernut, imaluunniit § 3, imm. 3-mut siunnersuutigineqartumut ilaatinneqartut inuit, aammalu aallartitaanerup nalaani Danmark-imi najukkamik nalunaarsugaasut, inatsisissatut siunnersuummi matumani § 1, nr. 8 naapertorlugu, siunnersuutigineqartuni § 15, imm. 3-mi aamma 4-mi maleruagassat malillugit Kalaallit Nunaanni folketing-imut qinersinissamut qinigassat allattorsimaffiannut ilanngunneqarnissaq pillugu qinnuteqaammik tunniussisinnaanerannik allannguut kinguneqarpoq, § 15, imm. 3 aamma 4-mi siunnersuutigineqartut malillugit, tak. Uma siunnersuutip § 3, nr. 8-taa..

§ 15, imm. 3 aamma 4 siunnersuutaasut malillugit qinnuteqaammik kommuni Kalaallit Nunaanni Naalagaaffiup sinniisoqarfianut aalajangiiffigisassatut saqqummiussisoq, tamatuma nassataraa. Qinigassat allattorsimaffiannut ilanngunneqarnissaq pillugu aalajangiineq, ullormi aalajangiinnermiit ukiuni marlunni atuuppoq. Nutartikkamik qinigassat allattorsimaffiannut ilanngunneqarnissaq pillugu ukiut taakku marluk qaangiutinnginneranni qinersisartoq qinnuteqaammik tunniussippat, § 15, imm. 4, imm. 6-inngortoq naapertorlugu, aalajangiisoqarnissaata tungaanut piffissarititaasoq sivitsorneqassaaq. Qinigassat allattorsimaffiannut

ilanngussinermi Naalagaaffiup Iluani pissutsinut- aamma Ineqarnermut Minister-i § 15, imm. 5, imm. 7-inngortoq naapertorlugu periuseq pillugu maleruagassanik sukumiinerusunik aalajangersaanissamut piginnaatitaavoq.

Nr. 10-mut

Kalaallit Nunaanni folketing-imut qinersisarneq pillugu inatsimmi § 26, imm. 3-mi aalajangersagaq atuuttoq, qinersinissamut qineqqusaartut inissitsitigaanerannut maleruagassanik imaqarpoq. Partiimik ataatsimik amerlanerusunut partiinut imaluunniit partiimut ataatsimut qineqqusaajutigaluni peqatigitillugu partiit avataasigut qineqqusaartoqarsinnaanngitsoq, § 26, imm. 3-mi atuuttumi allassimavoq. Taamatuttaaq kattuffinnut ataatsimit amerlanerusunut peqataasoqarsinnaanngilaq.

Siunnersuutigineqarpoq § 26, imm. 3-mi, nutaatut *oqaaseqatigiit pingajui* ikkunneqassasoq, Kalaallit Nunaanni aammalu naalagaaffiup ilaanni allani ataatsikkut qinigassanngortittoqarsinnaannginnerannik nassataqartoq. Siunnersuutigineqarpoq nutaatut *oqaaseqatigiit sisamaat* ikkunneqassasoq, § 26, imm. 3, oqaaseqatigiinniit siullerniit pingajuata tungaanut allassimasunut akerliusumik iliortumik qinigassanngortittumik qinersineq, atuutinneqassanngitsoq.

Allannguut siunnersuutaasoq, Savalimmiut folketing-imut qinersisarneq pillugu inatsisaanni § 25, imm. 2, oqaaseqatigiinni siullerni aalajangersakkamut atuuttumut, aammalu qallunaat folketing-imut qinersisarneq pillugu inatsisaanni § 32, imm. 2 siunnersuutaasumut, assinguvoq, tak. Uuma siunnersuutip § 3, nr. 6-ita.

Matumani inatsisissatut siunnersuummi § 2, nr. 8 naapertorlugu, inuit eqimattat immikkuullarissut, qinnuteqarneq malillugu Kalaallit Nunaanni qinigassat allatorsimaffiannut ilanngunneqarsinnaanissaat, naak pineqartoq aammattaaq Danmark-imi, pineqartup najukkamik nalunaarsugaaffigisaani, qinigassat allatorsimaffianni ilaagaluartoq,

allannguinnermut pissutaavoq. Taamaattoq aalajangersagaq siunnersuutaasoq, Kalaallit Nunaanni folketing-imut qinersinissamut qinigassanngortittunut tamanut tunngavoq.

§ 3-mut

Nr. 1-mut

Tunngaviusumik inatsit § 29, imm. 1, malillugu, Folketinngimut qinersinnermut piumasaqaataavoq, naalagaaffimmi najugarisami aalajangersimasumik najugaqartuunissaq. Folketinngimi qinersinnermi inatsimmi atuuttoq § 2 pineqarpoq inuit eqimattat arlallit, nunami allami najugaqarallarlutik, naalagaaffimmut atassuteqarnermik naammassinnissimasutut, tunngaviusumik inatsimmut piumasaqaatip naalagaaffimmi najugaqavissutut pisinnaatitaatitaanermut. Malitsigineqarpoq atuuttoq § 2, imm. 1, inuit qallunaat naalagaaffianni atorfillit, nunallu avataanut suliartoqqusaasimasut, naalagaaffimmi najugaqavissutut isigineqassasut, nunami allami najugaqarnerup sivilisusaa apeqqutaatinnagu, jf. erseqqinnerusumik tunngassutilik immikkoortoq 2.3.1.-mut.

Siunnersuutigineqarpoq § 2, imm.1-imi nutaatut *oqaaseqaatit aappaat* ikkunneqassasoq, tassani inunnut Namminersorlutik Oqartussat ataani atorfilinnut naalagaaffiullu avataanut suliaortinneqartunut aamma atuutsinneqassalluni.

Inatsisissatut allannguutitut siunnersuut imaqartinneqassaaq, inuit Kalaallit Nunaani Namminersorlutik Oqartussani Nunanut allanut Naalakkersuisoqarfinni atorfillit kiisalu naalagaaffiup avataanut suliaortutut aallartitat, isigineqassapput naalagaaffimmi najugaqavissutut taamaalillutik Danmarkimi Folketinngimut qinersisinnaatitaanermut pisinnaatitaaffeqassapput, nunap avataani najugaqarnerata sivilisusaa apeqqutaatinnagu. Taanna aamma atuutsinneqassaaq inuit pineqartut katissimallutik inooqatigisaannut aamma katissimanatik inooqatigisaannut, tak. innersuussaq folketinngip qinersinneranut inatsimmi § 2, imm. 4-miittoq.

Allannguutissatut siunnersuutip imarivaa inuit Kalaallit Nunaani Namminersorlutik oqartussat nunani allani kiffartuussinnermi atorfeqartunut, kiisalu qallunaat nunanut allanut sinniisoqarfiani

suliartornerminni, aamma atorfinitsitaanerminni pisussaaffittut atuuttumi, naalagaaffinnut allanut suliartortarsinnaanermi nuukkallartarnissamut piumaffigineqarnerminni tassanngaaniillu najukkamut uterlutik.

Allannguutissatut siunnersuutip CPR-ip inatsisaata § 24, imm. 5 aamma 6, jf. inatsisissatut siunnersuutip § 1, nr. 1, imarissavaa inuit pineqartut nalunaarsorsimanngisaannassasut CPR-inni nuna qimallugu aallarsimasutut. Kalaallit Nunaani Namminersorlutik Oqartussani atorfillit, naalagaaffiup avataanut suliartoqqusaasimasut, taakkualu katissimallutik inooqatigisaat assigisaallu, pingaarnertut maleruagassami nammineq ingerlasumik Danmarkimi Folketinngimi qinersinermi qinigassat allattorsimaffianut ilanngunneqassapput, jf. folketinngimi qinersinermut inatsisip § 15 peqatigitillugu § 18.

Qinersissartut, taassuma inatsisip atuutsilerfia sioqqullugu Kalaallit Nunaani naalagaaffiup avataanut, Kalaallit Nunaata Namminersorlutik Oqartussa qarfianiit suliartornissamik naalakkerneqarsimasut, Namminersorlutik Oqartussani aallarsimasutut, CPR-mikkut nalunaarsorneqareersimassapput, malittarisassat atuuttut malillugit, aammalu malitsigitillugu nammineq ingerlasumik piumasaqaat naammassineqarsimassanani qinigassat allattorsimaffiani ilanngunneqarnermi. Taamatuttaaq atuutissaaq qinersisuni nammineq ingerlasumik qinigassat allattorsimaffianut ilanngunneqarsinnaaneq pisinnaanngimmat. Assigisaanik qinersisartunut atuutsinneqassaaq, piffissami naalagaaffiup avataanut suliartorlutikaallarfimminni CPR atorlugu nalunaarsoreersimaneri, imaluunniit katissimasatut aapparisaq, imaluunniit inummut tassunga katissimasatut aapparisaq § 2, stk. 1, aallarnermi katissimasut, aammalu katinnerup nalaani aapparisaq nunap avataani najugaqartutut nalunaarsorsimappat CPR atorlugu maleruagassat nalinginnaasut malillugit. Pisuni taama ittuni qinersisartoq Danmarkimi qinigassat allattorsimaffiini ilanngunneqassaaq, noqqaassuteqarnerup kingunerisaanik. jf. folketinngimut qinersinermi inatsisip atuuttup § 16, stk. 1.

Innersuussap immikkortup 2.3.3. inatsisissatut siunnersuummi nalinginnaasumi oqaaseqaatigineqarpoq.

Nr. 2-mut

Inatsit § 2, imm. 4 nr. 2, atuuttoq malillugu, folketinngimi qinersinerup inatsisaaniittoq, isigineqarpoq inuk ataaseq inooqatigisaminik aappaartoq illoqatigisaminik, pineqartorlu folketinngimut qinersinermi

inatsisip § 2, imm. 1, 2 imaluunniit 3, naalagaaffimmi najugaqavilluni, imaattoqarpat taakkua inuit marluk inooqatigiittut piumasaqaatinik naammassinnissimagunik katinnissaminnut imaluunniit aappariissallutik allattorsimaffimmi nalunaarsorneqarsimagunik aallannginnerminilu najugaqatigiinnerminnik aaqqiisimagunik.

Inatsit § 96 a, imm. 5, nr. 2, atuuttoq malillugu, folketinngimut qinersinermi inatsimmiittoq, inuk ataaseq isigineqassaaq inummik allamik najugaqateqaruni, folketinngimut qinersinermi inatsisip § 96 a, imm. 2, 3 imaluunniit 4-p imaraa, naalagaaffimmi najukkamini aalajangersimasumik najugaqarneq , taakkua inuit marluk najugaqatigiinnerminni piumasaqaatinik naammassinnissagunik katinnermi imaluunniit aappariittut nalunaarsorsimanermik aammalu aallannginnerminni marluullutik najugaqatigiinneq naammassinniffisimagunikku.

Inatsisip nr. 532, 12. juni 2012-meersoq, inatsimmik allannguinermi katissimaneq aammalu avissimaneq pillugu, inatsimmut katissimanerup eqqartuussisoqarnermilu periutsit kiisalu eqqartuussisoqarnermilu sulinerup inatsisaani aammalu aappariinnermi nalunaarsorsimanerup piujunnaarsinneranik inatsisip (suiaaqatigiittut katissimaneq inuit marluk akornanni) inatsit aappariittut nalunaarsorsimanermut tunngasoq atorunnaarsinneqarpoq.

Taassuma malitsigisaanik siunnersuutaavoq »piumasaqaatit naammassineqassasut katinnermi imaluunniit aappariittut nalunaarsorsimanermi« folketinngimut qinersinermi inatsisaaniit § 2, imm. 4, nr. 2, aamma § 96 a, stk. 5, nr. 2-miit piujunnaarsinneqassasoq.

Siunnersuut taanna allannguutaasussaq inatsisissamik teknikkikkut kinguneqartitsisuuvoq periarfissamik piujunnaarsitsinikkut aappariittut nalunaarsorsimanermut, kukkusooqarneratigut allanngortinneqanngitsoornikoq aappariittut nalunaarsorneqarnissap periarfissaasup atorunnaarsinneqarnerani.

Nr. 3-mut

Aalajangiussaq atuuttoq malillugu folketinngimut qinersinermi inatsimmi § 16, stk. 1, 2. pkt., qinersisartut imaattumik imaqtartut § 2, imm. 1, imaluunniit 2, stk. 4. jf. imm. 1, aamma naalagaaffiup avataanut suliaartortitaalluni aallanngilaarnermi, kommuunerisami Savalimmiuni imaluunniit Kalaallit Nunaani inuit allattorsimaffianni nalunaarsoqqassaaq , taassuma ataani inuit allattorsimafiani Kalaallit Nunaata immikkoortuini kommuunit agguataarnerisa avataani. Noqqaassuteqarneq aallaavigalugu

Danmarkimi kommuunimiiffimmi qinigassat allattorsimaffianni
 ilanngunneqassaaq, najugaq kingulleq najugarisimasatut
 nalunaarsorfigisimasami.

Siunnersuutigineqarpoq § 16, imm. 1, 2. pkt. atorunnaarsinneqassasoq.

Inatsit atuuttoq § 16, stk. 1 imaqarpoq qinersisartuinnarnut, naalagaaffiup avataaniittussatut nalunaarsorsimasut naalagaaffimmiit aallarsimasutut. Eqqarsaatip aallarnerneqarnissaanut CPR-ri pillugu inatsimmi § 24, imm. 5 aamma 6, jf. inatsisissami siunnersuummi § 1, nr. 3, qinersisartut taakkua aallarsimasutut nalunaarsoqqajunnaassapput, Kalaallit Nunaanniit aallartitaasimagunik. Ullutsinni tamanna atuuppoq, inuit naalagaaffik qimallugu suliaartortitaasut, aallarsimasutut nalunaarsoqqassanngitsut, Savalimmiuniit aallartitaasimagunik, tak. § 21, imm. 4, savalimmiormiut inatsisaanni inuit allattorsimaffiini. CPR-i pillugu inatsimmi § 24, imm. 5 aamma 6 atuutilersinneqartussatut pilersaarutaasoq naapertorlugu § 16, imm. 1, 2. pkt., attuumassuteqarunnaassaaq siunnersuutigineqarlunilu kingunerisitatut piujunnaartinneqarnissaanik. Qinigassat allattorsimaffiannut ilanngunneqarnermut malittarisassat eqimattamut tassunga siunnersuutaavoq taarsiullugu nutaatut avissaartitatullu inatsimmut nutaamut § 16 a, jf. inatsisissatut siunnersuutip § 3, nr. 4.

Nr. 4-mut

Qinigassat allattorsimaffiannut qinersisartut ilanngunneqartarnerat, imaqartoq folketinngimut qinersinermi inatsisip § 2, ammalu naalagaaffiup avataani nunami allamiinnermut atatillugu aallarsimasutut nalunaarsorsimaneq folketinngimi qinersinermi inatsimmi § 16-mi aaqqiissuteqarfigineqarsimavoq.

Inatsit nutaatut siunnersuutaasoq § 16 a, *imm. 1. 1. pkt.*-mut ikkunneqassaaq, taamaalilluni naalagaaffiup avataanut suliaartortitat aallarnerinni inuit allattorsimaffianni nalunaarsorsimaneq Savalimmiuni imaluunniit Kalaallit Nunaani CPR-ikkut, imaluunniit noqqaassutiginerani qinigassat allattorsimaffianni ilanngunneqarneq pissaaq Danmarkimi kommuunimi najukkami, kingullertut najugaqarfigisatut nalunaarsorsimaffigisami.

Siunnersuut aalajangiussaq folketinngip qinersineranut inatsimmi § 16 a-mi imatut imaqartumi, kinaluunniit naalagaaffimmi atorfilik, naalagaaffiup avataanut suliartoqqusaasoq, tak. § 2, imm. 1, . pkt., aammalu CPR-kkut Danmarkimi najugaqarnermi allattorsimaffimmi nalunaarsorsimasoq, kisiannili naalagaaffiup avataanut suliaartorluni aallartitaanerup nalaani,

Savalimmiuni imaluunniit Kalaallit Nunaani najugaqartutut najugaqarnermi allattorsimaffimmi nalunaarsorsimasutut. Taanna atuuppoq najugaqarallernerup sivilissusaa apeqqutaatinnagu Savalimmiuniinnermi Kalaallit Nunaaniinnermiluunniit. Taamatuttaaq aallartitap pineqartup kattissimallutik aapparisaanut, inooqataanut atuuppoq tak. uunga inner-suusaa § 2, imm. 4.

Malugineqassaaq, siunnersuutaasoq § 16 a inunnut ukununga atuutinnigmat; Kalaallit Nunaani Namminersornerullutik Oqartussani atorfilimmut, nunami allami suliartoqqusaasimasumut, kiisalu nunamut allamut suliarlorluni aallarnerup nalaani CPR-mi Danmarkimi kommuunerisami. malittarisassat malillugit taakkua qinersisartut qinigassat allattorsimafianni ilanngunneqarsinnaapput Kalaallit Nunaani folketinngimut qinersinermi inatsimmi malittarisassat malillugit.

Imm. 1m 2, pkt. malillugu noqqaassuteqarnikkut immersugassaq immersorlugu kommunalbestyrelsimut tunniussisoqarsinnaavoq, taannalu nunap iluani ministerimit ineqarnermilu ministerimit akuerisaavoq. Noqqaassutip imarissavaa uppersarlugu inuk pineqartoq/qinnuteqartoq, folketinngimut qinersinermut aammalu inuit taasisinneqarnerini Danmarkimiinnaq taasinissaq/qinersinissaq.

Qinnuteqaat taamaattumik nalunaarummik ilaqartinneqassaaq, qinersisartut (missingerneqarmat amerlassusaasa ikinneri) noqqaassutigineqarnerup kingunerisaanik folketinngimut qinersinermi qinigassat allattorsimaffiannut ilanngunneqarsinnaalissammata Danmarkimi, peqatigitillugulu nammeneq ingerlasumik Savalimmiuni kommuunimi najugarisami tak. savalimmiuni folketinngimut qinersinermi inatsimmi § 12, Kalaallit Nunaani tak. naalagaaffik tamakkerlugu inuit taasisinnerini, qinersisartut taakkua qinigassat allattorsimaffiannut ilanngunneqassammata Danmarkimi, tak. qallunaat folketinngimut qinersinermi inatsisaani § 96.-mi imm. 2, 1. pkt., taamatuttaaq Savalimmiuni, tak. savalimmiormiut folketinngimut qinersinermi inatsisaanni § 80-mi, imaluunniit Kalaallit Nunaanim tak. kalaallit folketinngimut qinersinermi inatsisaanni § 23.-mi. Qinersisartuq taama inissisimasooq periarfissanissaaq qinersisinnaalluni naalagaaffinni piffinni arlalinni naalagaaffimmi najugarigallakkami folketinngimut qinersinermi ataatsimi imaluunniit inuit taasisinneqarnerini.

Qinersisartuq unniortumik uppersaasimaguni, taasinera Danmarkimi Savalimmiuni imaluunniit Kalaallit Nunaani, qinersisartup pillagaassutigisinnaavaa inatsit § 106, imm. 3, malillugu folketinngip qinersinermi inatsisaaniittumi, tak. inatsisissatut siunnersuutigineqartoq taanna § 3, nr. 8, innersuutigineqarpoq.

Siunnersuutigineqartoq *imm.* 2 malillugu qinersisartup qinnuteqaataa nangaanartoqartinneqarpat *imm.* 1-imut attuumassuteqartut, taava Qinersinermi ataatsimiittaliap aalajangiiffigereerpagu *imm.* 1-imut pi-umasaqaatit eqquutsinneqarsimasut, aatsaat tassani qinersisartop qinersisartut allattorsimaffiannut ilanngunneqarsinnaavoq.

Aalajangersagaq paasineqassaaq aalajangersakkamut tassunga assingusumut inatsimmut, folketinngimut qinersinermi inatsimmut § 16, *imm.* 2, 2. pkt. noqqaassutigineqartoq kommunalbestyrelsip Qinersinermi ataatsimiittaliap ingerlateqqissavaa suliassanut ima isikkulinnut; qinnuteqartoq itigartinneqassasoq, imaluunniit ima ilimanaateqarpat qinnuteqaat nangaanartortaqartoq akuerissanerlugu itigartitsissutigissanerlugu unniit, imaluunniit namminneerlutik qinnuteqartoq qinersisartut allattorsimaffiannut ilanngutissappassuk. Kommunalbestyrelse pisinnaati-taaffeqanngilaq qinnuteqaatinut itigartitsinissamik.

Siunnersuutigineqartoq malillugu *imm.* 3-mi qinigassat allattorsimaffiannut ilanngunneqarnissamut aalajangiisinnaaneq atuuppoq ukiuni mar-lunni, ulloq aalajangerneqarfianiit. Qinersisartop qinigassat allattorsimaffiannut ilanngunnissamik noqqassummik tunniussippat piffissarititaasup naannginnerani, piffissarititaasoq sivitsorneqassaaq aalajangiisoqarnis-saata tungaanut.

Nunap iluani- ineqarnermilu ministerip (indenrigs- og boligminister) malit-tarisassanik aalajangersuissaaq, qinigassat allattorsimaffiannut ilanngunneqarnissamut qinersisartunut, imaqtunik § 2, jf. inatsit atuuttoq § 16, *imm.* 4, folketinngip qinersinermut inatsisaani allaqqasumi. Pisinnaati-taaffik § 16. *imm.* 4, atuuppoq imaalillugu; malittarisassanik aalajanger-saanneri qinigassat allattorsimaffiannut ilanngunneqarnissamut, qiner-sisartuni taakkunani, pineqarluni siunnersuutigineqartumi § 16 a. Taa-maalilluni ilanngullugu malittarisassat inissinneqarsinnaalissapput immer-sugassamut qinnuteqaammut, qinnuteqaatinik suliagarnermi kiisalu qi-nigassat allattorsimaffiannut suliarineqassaaq qinersisartunut pineqartunut tunngasoq.

Innersuunneqarpoq immikkoortoq 2.4.-mut oqaaseqaatini nalingin-naasuni.

Nr. 5-mut

Folketinngimut qinersinermi inatsimmi inatsisit aalajangersakkat atuuttut § 17, *imm.* 1, nr. 1, nunap iluani ineqarnermilu ministeri (indenrigs- og boligminister) qinersinermi ataatsimiittaliamik pilersitsissaaq, qinigassat allattorsimaffianni ilanngussinnaanermut aalajangiisartussanik § 16m

imm. 2.-mi.

Siunnersuutigineqarpoq innersuussineq § 17, imm. 1 nr. 1 annertusissasoq imaqalerluni qinigassat allattorsimaffianut ilanngunneqarnissamut § 16 a , imm. 2 malillugu.

Siunnersuutigineqartup allannguutaata kingunerissavaa § 16 a-mi folketinngimut qinersinermi inatsisip, siunnersuutaasutut ilanngunneqarnissaa inatsisissatut siunnersuummi § 3, nr. 4-tut. Siunnersuutigineqartoq § 16 a, malillugu Qinersinermi atatsimiittaliat suliat assigiinngitsut aalajangi-iffigisassavai, pineqarput qinersisartut qinigassat allattorsimaffiinut ilanngussinnaalerner, inatsimmi uani imaqartoq § 2, imm. 1,1. pkt., imaluunniit § 2, imm. 4. jf. § 2. imm. 1. 1. pkt., aammalu suliartoqqusaallutik naalagaaffiup avataanut aallartitaanerup nalaani, najugaqarnermi allattorsimaffimmi nalunaarsoqqasutut CPR-mikkut Savalimmiuni imaluunniit Kalaallit Nunaani.

Nr. 6-mut

Aalajangiussaq atuuttoq § 32-miittoq folketinngimut qinersinermi inatsimmi ukununga malittarisassanik imaattunik imaqarpoq; Qineqqusaartunut sassartunut. Kinguneritineqarput inatsisit atuuttut ukua; § 32, imm. 2, qineqqusaartoqarsinnaannginnera qineqqusaarfik angisooq ataatsimiit amerlaneruppat imaluunniit qineqqusaarfik partii ataatsimiit amerlanerussanngitsoq imaluunniit qineqqusaartoq partiimi avaatigut partiimut allamut qineqqusaarpat. Qinigassanngortittumik qinersinermi, taassuminnga unioqqutitsisimagaanni, qineqqusaarneq atorunnaarsissaaq.

Siunnersuutigineqarpoq § 32, imm. 2-mi nutaatut 1. pkt. ikkunneqassassasoq, kinaluunniit ataatsikkoorussamik Danmarkimi naalagaaffiullu sinnerani qinigassanngortissinnaanngitsoq.

Qinigassanngortittoq qinerneqarpat, taannalu unioqqutitsisumik iliuuseqarsimappat, taava allannguut siunnersuutigineqartoq atuutsinneqassanngilaq, tak. aalajangersagaq atuuttumi § 32, imm. pkt. kingullermi folketinngimut qinersinermi inatsisaaniippoq.

Allannguut atassuserneqarpoq uannga; inuit eqimattat immikkooruteqartut, jf. taassuma inatsisissatut siunnersuutip § 3, nr. 4, noqqaassuteqarneq aallaavigalugu, Danmarkimi qinigassat allattorsimaffiinut ilanngunneqarneq pisinnaammat, pineqartoq Savalimmiuni Kalaallit Nunaaniluunniit qinigassatut allattorsimaffinniikkaluartoq, pineqartorlu najugaqarnermi allattorsimaffimmi nalunaarsorsimappat. Aalajangiussap siun-

nersuutigineqartup siunniuppaa qinigassanngortittoq kinaasinnaasorluunniit, Danmarkimi folketinngip qinersineranut.

Allannguutissatut siunnersuutigineqartup assigaa, Savalimmiuni folketinngimut qinersinermi qinigassanngortittut qinigaasut, tak. aalajangiussaq atuuttoq savalimmiuni folketinngimut qinersinermi inatsisip § 25, imm. 2, 1. aamma 3. pkt.,-p, kingunerisaanillu qinigassanngortittup qinerneqarnera, ilanngullugulu Savalimmiuni naalagaaffiullu sinnerani qinigassanngortissimaneq atortussaannngilaq.

Allannguutissatut siunnersuutigineqartup assigaa allannguutissatut siunnersuut Kalaalit Nunaanni folketinngimut qinersisarnermut inatsimmi , tak. Inatsisissatut siunnersuut § 2, nr. 10-taa, kingunerisaanillu qinigassanngortittup Kalaallit Nunaanni folketinngimut qinersinermi qinerneqarnera atorunnaarsinneqassaaq qinigassanngortittoq naalagaaffiup sinnerani aamma qinigassanngorteqqasimappat.

Nr. 7-mut

Aalajangiussaq atuuttoq malillugu folketinngimut qinersinermi inatsimmi § 96, imm. 1,-mi, kinaluunniit Folketinngimut qinersisinnaasoq qinigassat allattorsimafianni ilanngunneqartoq, aamma pisinnaatitaaffeqarpoq inuit taasisinneqarnerini peqataanissaminut. Inuit aalajangersimasumik naalagaaffimmi najugaqartut, piffimmi inunnik taasisitsisoqarfiunngitsumiittut, taaseqataasinnaannngillat, imaannngippat inuit imaqarniliani § 96 a-mi Danmarkimi najugaqavissutut nalunaarsorsimasut, Savalimmiuniikkaluarunik imaluunniit Kalaallit Nunaaniikkaluarunik.

Siunnersuutigineqatpoq saaffiginnissut ilanngunneqassasoq iani § 96, imm. 1, 2. pkt., uunga nutaamut; § 16 a, ilanngunneqarnissaanik siunnersuutigineqartoq inatsimmi siunnersuutigineqartumi § 3, nr. 4.

Allannguutitut siunnersuut uuminnga § 96, imm. 1., 2. pkt., kinguneqassaaq, inuit pineqartumi siunnersuutissatut innersuutip nutaap § 16 a, qinersisinnaanermut pisinnaatitaaffeqalernissaat, inuit taasisitsinerinni, naalagaaffiup ilaani najugaqaraluarunik, piffimmi inunnik taasisitsisoqarfiunngitsumi taasisitsineq pippat.

Allannguutissatut siunnersuutigineqartoq, siunnersuummut § 16 a folketinngip qinersinerai inatsimmut tunngassuteqarpoq, aalajangiussisuulluni , qinersisartut uani ilaasut; § 2, imm. 1, 1. pkt., imaluunniit § 2, imm. 4, jf. § 2, imm. 1, 1. pkt., aamma suliaartorluni naalagaaffiup avataanut aallarti-taanerup nalaani najugaqavisutut allattorsimaffimmi nalunaarsorsimaneq Savalimmiuni imaluunniit CPR-kkut nalunaarsorsimaneq Kalaallit Nunaani,

qinigassat allattorsimaffiannut ilanngunneqarnissasoq noqqaassuteqarne-
rup kingunerisaanik Danmrkimi kommuunimi kingullermi najugaqartutut
nalunaarsorfigisimasami jf. inatsisissatut siunnersuutip § 3, nr. 4.-mi. Inuit
pineqartut taamatuttaaq Danmrkimi folketinngimut qinersinermi qinersis-
innaatitaapput, kiisalu ilanngunneqarsimasuussallutik folketinngip qi-
nigassat allattorsimaffianni Danmarkimi kommuunimiiffimmi. Inatsisis-
satut allannguutissatut siunnersuummi § 3, nr. 7, qulakkeerneqassaaq,
qinersisisinnaatitaaneq Danmarkimi inuit taasisitsinerini.

Nr. 8-mut.

Aalajangiussaq atuuttoq uani § 106 folketinngimut qinersinermut
inatsimmi imaqqarpoq malittarisassat pillagaanermut tunngasunik, folketin-
ngimut qinersinermi unioqqutitsisoqarneratigut aammalu malittarisassat
inatsisit malillugit atuuttuni.

Siunnersuutigineqarpoq § 106-imi nutaatut *imm. 3-p* ikkunneqarnissaa,
tassani pineqarluni qinersinermi imaluunniit inuit taasitinneqarnerini qiner-
sisoqarpat imaluunniit qinigassatut sassartoqarpat Danmarkimi kiisalu
naalagaaffiup sinnerani, taava pineqartoq akiliisitaanermik imaluunniit
qaammatini 4-ni parnaarusaanermik pillagaasinnaavoq, imaattoqan-
gippat inatsisit malillugit annerusumik pillagaasussaaneq.

Aalajangersakkatut siunnersuutigineqartoq siunertaqarpoq qinersisartuni
§ 16 a qallunaat folketinngimut qinersinermi inatsisaani siunnersuutigi-
neqartorlu § 15, *imm. 3* aamma 4, kalallit folketinngimut qinersinermi
inatsisaanut. Siunnersuummut siunertaavoq, pinngitsoortinniarlugu qiner-
sisartut pineqartut qinigassat allattorsimaffianut ilanngunneqartut folke-
tinngimut qinersinermi imaluunniit inuit taasisinneqarnerini naalagaaffiup
ilaani arlalinni qinikkamik tunniussisut Savalimmiuni imaluunniit Kalaallit
Nunaani Danmarkimilu. Qinersisartoq taamaattoq ilanngunneqarnissamik
noqqaassuteqarnermi folketinngimut qinersinerni qinigassat allattorsi-
maffianni naalagaaffiup immikkoortortaata aappaani , pineqartup naju-
gaqarfimmisut nalunaarsuiffiginnisaaniippat , uppersarsarsimassavaa
qinersinermi tunniussineq naalagaaffimmi immikkoortortami pineqartumi
ataatsimi tak. inatsisissamik siunnersuummi § 2, nr. 8, aamma § 3, nr. 4.

Taasineq marloqiusaasoq qallunaat pillaanermut pisortaqarfianiippoq, pi-
nerluttuliortoqarpat nunami tassani tak. pillaatissarnermut inatsisip § 6.
kiisalu ima pisoqarpat, ass.: naalagaaffiup avataaniit allakkatigut qiner-
sisoqarpat unioqqutitsisumik § 106, *imm. 3* naapertorlugu naatsorsuutigi-
neqassaaq qallunaat pillaatissarnermut inatsisaata ataaniittutut, tak. pil-
laatissarnermut inatsimmi § 9, *imm. 2*. Pillaatissarnermut inatsit malillugu
§ 9, *imm. 2*, iliuuserisaq isigineqarluni pillarneqaataasinnaasutut

aappiullugu iliuuserisimasaq atuutilerfimmi sunniutaasup atuutilerfiani, imaluunniit unioqqutitsisoq sunniutaasumik aallarniisutut, imaassimappat iliuutsip pillagaassutisinnaanera atassuteqarpat imaluunniit sunniuteqarpat atuutilersimasutut imaluunniit angusatut kingunilimmik.

Allannguutip tunuliaqutaanik qanoq isumaqarneranik innersuunneqarpoq immikkoortortami 2.4.3.-mi oqaaseqaatini nalinginnaasuni.

Siunnersuutaasoq imm. 3 isigineqarpoq qinigassanngortittunut, taakkualu folketinngimut qinersinermi qinigassanngortissimallutik Danmarkimi, Savalimmiuni Kalaallillu Nunaani. Allannguut pissuteqarpoq immikkut ittutut inuit eqimattat inissisimasut, taaneqareersutut qinigassat allattorsimaffianut ilanngunneqarsimasut, nunat immikkoortortaani arlalinni, jf. inatsissatut siunnersuutip taassuma § 2, nr. 8, aamma § 3, nr. 4. Aalajangersagaq siunnersuutigineqartoq siunertaqarpoq, qinigassanngortittoq kinaluunniit, Danmarkimi folketinngimut qinersinermut sassartunut. Malugineqassaaq, qinigassanngortittumik taama ittumut atuussinnaannginnera, tak. inatsissatut siunnersuutip § 2, 10, aamma § 3, nr. 6, aammalu savalimmiormiut folketinngimut qinersinermi inatsisaannut § 25, imm. 2.

Folketinngi pisinnaatitaavoq akuersissutaasimasumi qinersineq pi-umasaqarfiusinnaasoq qinersinermi atortussanik il.il. (taassuma ataani pineqarput qinigassat allattorsimaffii) nassiunneqassasut, jf. qallunaat folketinngimut qinersinermi inatsisaata § 87, imm. 2, savalimmiormiut folketinngimut qinersinermi inatsisaata § 70, imm. 2, aammalu kalaallit folketinngimut qinersinermi inatsisaata § 64, imm. 2. Folketinngi paasiniaasinnaatitaavoq qinersinermi naammagittaalliutinik imalt. qinersisartut siunnersuummi § 106, imm. 3, saqitsaattoqarnerani. Ilanngullugu folketinngi pisinnaatitaavoq qinigassanngortittut Danmarkimeersut Savalimmiuneersut Kalaallit Nunaaneersullu kattutsissallugit, ilaatigut marloqiusamik qineqqusaartoqarnersoq misissuinermi.

§ 4-mut

Siunnersuutaavoq, nunap iluani- aamma ineqarnermi ministerip (indenrigs- og boligminister) inatsisip atuutilerfissaa aalajangissagaa.

Inatsississamik siunnersuummi § 1, nr. 3-mi aamma § 5, imm. 1-imi qulakkeerneqassaaq siunnersuutigineqartut allannguutit CPR pillugu inatsimmi § 24, imm. 5 aamma 6, Kalaallit Nunaani kunngip peqqussutaani atuutilissasoq. Peqqussutip missingersuutitaata, marloqiusamik saqqummiunneqannginnissaa anguniarlugu, Inatsisartut ukiakkut katersuun-

neranni 2022mi inatsisissatut siunnersuutip saqqummiunnerani ilaatinneqarpoq. Peqqussummut missingiut Inatsisartuniit akuersissutigineqarpoq, tassani piumasaqaataalluni inatsisissatut siunnersuutip Folketingimiit akuersissutigineqarnissaa.

Inatsisissatut siunnersuummi § 4-mi qulakkeerneqassaaq allannguutissatut siunnersuutaasut §§ 1, 2 aamma 3-mi CPR-i pillugu inatsip aamma qinersarnermi inatsip kiisalu kunngip peqqussutaatut missingiutip, tassani CPR-i pillugu inatsit § 24, imm. 5 aamma 6 ataatsikkut Kalaallit Nunaannut atuutilersinneqarnissaat.

Inatsisissatut siunnersuut Folketingimiit akuersissutigineqareerpat, taava ministeriaqarfiup qulakkiissavaa, inatsisissatut siunnersuutip aammalu peqqussummut missingiutip piaartumik atuutilersinneqarnissaat.

§ 5-mut

imm. 1-mi siunnersuutigineqarpoq, inatsimmi § 1, nr. 1 aamma 2-mi CPR-ip inatsisaanik allannguinerit pillugit Savalimmiuni Kalaallit Nunaanilu atuutsinneqassanngimmat, kisiannili kunngip pequssutaani tamakkiisumik ilaannakortumilluunniit atuutsilersinneqarsinnaalluni Kalaallit Nunaannut, allannguutini ukunani, kalaallit akornini pissutsit aallaavigalugit.

Siunnersuutigineqarpoq *imm. 2-mi*, inatsisip § 2 Kalaallit Nunaanni folketinngimi qinersinermi inatsisit pillugit allannguutissani - pingaarnertut inatsit assigalugu, aalajangersakkap allanngorneranut aalajangiinermi – toqqaannartumik Kalaallit Nunaannut atuutilissammat Savalimmiunullu atuutsinneqassanani.

Imm. 3-mi siunnersuutaavoq, inatsisip § 3 qallunaat folketinngimi qinersinermut inatsisaani allannguinerit tunngassuteqartoq - soorluttaaq pingaarnertut inatsimmi atuuttumi, allannguuteqassaa aalajangiinermi - tamanna Savalimmiunut Kalaallillu Nunaanut atuutinngilaq. Killeqarfinni piffiit atuuttut qallunaat folketinngimut qinersinermi inatsisaani inatsisit imarisaani erseqqissumik Danmarkimi naalagaaffimmi killiliussat piffinni immikkoortuni atuuttut qallunaat folketinngimut qinersinermi inatsisaani inatsit malillugu erseqqissakkamik imaqarpoq Danmarkimut killeqarluni. peqqutaalluni killiliussamik aalajangerneqarnera pingaarnertut inatsimmi piutinneqanngilaq. Siunnersuutini siornatigut siunnersuutigineqartuni qallunaat folketinngimut qinersinermi inatsisaanni killiliussap aalajangiunneqarnerata pigitinneqannginneranut pingaarnertut inatsisip kukkusumik isumaqartinneqarsimavoq, imatut isumaqartilirlugu, folketinngimut qinersinermi inatsit naalagaaffimmi tamani

atuuttuusoq, annertussusilimmik malittarisassat isikkuisigut. Qallunaat folketinngimut qinersinermi inatsisaani atuuppoq naqqiutigalugu Savalimmiuni Kalaallit Nunaanilu *atuutsinneqanngitsuusoq*.

Bilag 1

Inatsisissatut siunnersuutit ataatsimoorussat inatsisini atuuttuni

<i>erseqqissakkat atuuttut</i>	<i>Inatsisissamik siunnersuut</i>
	§ 1 Inatsisikkut nr. 1834, 8. december 2020-imeersukkut, aamma nr. 2604, 28. December 2021-meersukkut kiisalu § 7, inatsimmi nr. 227, 15. Februar 2022-meersukkut allanngortinneqartoq inatsimmik nalunaarut nr. 1297, 3. september 2020-imeersoq naapertorlugu Qitiusumik Inunnik Nalunaarsuiffik pillugu inatsimmi, ima allannguisoqassaaq:
§ 24.--- <i>Imm. 2-4---</i> <i>Imm. 5.</i> Inuit qallunaat naalagaaffiani atorfillit naalagaaffiullu avataanut suli artoqqusaasut aalajangiussaq inatsimmiittoq § 24, imm. 1, piugalarpalluunniit, aallarsimasutut nalunaarsorsimann-gisaannassapput, jf. taamaattorli §	1. § 24, imm. 5, -mi, nr. 2. pkt.-tut ikkunneqassaaq: » Pineqartoq inunnut Kalaallit Nunaata Namminersorlutik Oqartussa qarfiani atorfilinnut naalagaaffiup avataanut suliartoqqusaasimasunut atuuppoq«. 2. § 24, imm. 6, pkt. 1-imi, aamma § 24, imm. 9, 1.pkt-mi »katinnissamut imaluunniit aappariittut nalunaarsugaanissamut

25, imm. 1. <i>imm. 6.</i> inuk, inooqateqartoq najugaqatigisaminik katissimasaminillu imaluunniit aappariittut nalunaarsorsimappaata, imaluunniit piumasaqaatit naammassine- qarsimappata katissimasutut, najugaqatigiippatalu aallarnej sioq-qullugu. Ilutigalugu atuuppoq qitornaasut 18-nit inorlugit ukiullit, angajoqqaatillu najugaqatigalugit. <i>Imm. 7-8---</i> <i>Imm. 9</i> inuk inummik ineqatigiillutik inooqateqartoq imm. 7 imal. 8-mi eqqaaneqartumi, suliffitsillugu pequtigalugu assigiimmik najukkameeriaaseqarnerat pillugu najukkaminni nalunaarsorneqaannaqqasinnaapput, taakku inooqatigiit marluk katissimappata imaluunniit nalunaarsugaasumik inooqatigiippata, imaluunniit katissinnaanissamut imaluunniit nalunaarsugaasumik inooqatigiissinnaanissamut piumasaqaatinik naammassinnippata, najukkamullu isertersimappata taamatut najugaqariaatsip aallartinnginnerani. Assinganik atuuppoq meeraannut	piumasaqaatinik naammassinnittut« allanngortinneqarpoq imaalillugu: »katinnissamut piumasaqaatinik naammassinnittut«.
--	--

MISSINGIUT

18-it inorlugit ukiulinnuk, angajoqqaatik najugaqatigippasigit.	
§ 60. Inatsit atuuttoq, Savalimmiuniunngitsoq aammalu Kalaallit Nunaanniunngitsoq, kisiannili kunngip peqqussutaani atuutsilersinneqartoq Kalaallit Nunaanut, kalaallini pissutsitigut inissisimanerat malillugu. <i>Imm. 2.---</i>	3. § 60, imm. 1-imi, oqaaseqatigiit aappaattut uku ikkunneqarput: »§ 24, imm. 5 aamma 6, oqaaseqatigiinni siullerni allassimasut malillugit Kalaallit Nunaannut atuutilersinneqarsimanngitsut, Kalaallit Nunaanni pissutsit apeqqutaatillugit allannguutitalerlugit Kunngip peqqussutaatigut Kalaallit Nunaannut atuutilersinneqarsinnaapput.«
	§ 2 Kalaallit Nunaanni folketing-imut qinersisarneq pillugu inatsimmitak. Inatsisitigut nalunaarut nr. 2241, 25. November 2021-meersumi, ima allannguisoqassaaq:
§ 3. Inuit pineqartut, nunami allamiikkallartut, taakkualu katissimasutut aapparisaat, najugaqatigiillutik, isigineqassapput naalagaaffimmi aalajangersimasumik najugaqartutut: 1)-6)---	1. § 3-mi imm. 1-i sioqqullugu immikkoortutut nutaatut ikkunneqarpoq: »Inuit, Kalaallit Nunaanni Namminersorlutik Oqartussanit atorfeqartinneqartut, naalagaaffiullu avataanut

<i>Imm. 2.</i> Inooqatigisatut katissimasut aappariit jf. imm. 1, illikartin-neqassapput katissimanatik aappariittut katissimasutut inooqatigiittut, najugaqatigiinneq aallannginnermi aaqqissuussaareersimappat.	suliartoqquusaasimasut, aappaasullu inunnik taakkuninnga inooqateqartut, naalagaaffimmi najugaqavissutut isigineqarput. Taamatuttaaq qallunaat naalagaaffiannit atorfeqartinneqartunut, naalagaaffiullu avataanut suliartoqquusaasimasunut, aappaasunullu inunnik taakkuninnga inooqateqartunut, atuuppoq.« Imm. 1 aamma 2 tamatuma kingorna imm. 2 aamma 3-nngussapput. 2. § 3, imm. 1-imi, imm. 2-nngortumi, »isigineqassaaq« sioqqullugu ikkunneqarpoq: »taamatuttaaq«. 3. § 3, imm. 2-mi, imm. 3-nngortumi, »imm. 1-i naapertorlugu« allanngortinneqarpoq imaalillugu: »imm. 1-i aamma 2 naapertorlugit«.
§ 14. Qinersisartut Kalaallit Nunaanni kommunit aggornerisa avataanni najukkamik nalunaarsugaasimappata, (Nuuk kommunimi) qinigassat allattorsimaffiannut,	4. § 14-imi »Nuuk (Godthåb) Kommune« allanngortinneqarpoq imaalillugu: »Kommuneqarfik Sermersooq (Sermersooq Kommune)«.

ilanngunneqassapput.	
§ 15. Qinersisartut pineqartut inatsimmi § 3, kingullermillu kommuuniminni inuit allattorsimaffiini nalunaarsorsimasut qinigassat allattorsimaffiannut ilanngunneqassapput. Ilanngunneqarnissamut noqqaassut kommunalbestrelsimut tunniunneqassaaq. <i>Imm. 2.</i> Qinersisartut, inatsimmi § 3-mi, kingullertullu inuit allattorsimaffiini nalunaarsorsimasut, Kalaallit Nunaani kommuunimi avataani, noqqaassutiginninnerup kingunerisaanik qinigassat allattorsimaffiinnut ilanngunneqassapput Nuuk Kommunemi. Noqqaassutigineqartoq inuit allattorsimaffiini ilanngunneqassaaq Kalaallit Nunaanni Namminersorlutik Oqartussat Akileraarnermut Aqutsisoqarfiani.	5. § 15, imm. 1, 1. pkt. aamma imm. 2, 1. pkt. ikkunneqassaaq una malillugu; "ima imaqartoq, § 3,": «nunami allamiinnermut atattillugu nalunaarsorsimasutut Qitiusumik Inuit allattorsimaffeqarfimmi (CPR), aallarsimasutut, « 6. § 15, imm. 2, 1. kt., § 16, imm. 3, 2. pkt., aamma § 18, imm. 3, 1. pkt., -mi allanngutigalugu; "Nuuk Kommune" imaalilluni: "Kommuneqarfik Sermersooq (Sermersooq Kommune)" 7. § 15, imm. 2, 2. pkt., -mi allannguuteqassaaq "Kalaallit Nunaani Namminersortut Akileraarnermi Aqutsisoqarfik" imaalillugu: "Akileraarnermut Aqutsisoqarfik (Kalaallit Nunaata Namminersorneqarfiata Akileraarnermut Aqutsisoqarfia)" 8. § 15-imi imm. 2-p kingorna immikkoortut nutaatut ikkunneqarput: »<i>Imm. 3.</i> Qinersisartut, imm. 1, oqaaseqatigiinni siullerni allassimasut naapertorlugit § 3, tak. § 3, imm. 1, oqaaseqatigiinnut siullernut, imaluunniit § 3, imm. 3-imut ilaatinneqartut, aammalu naalagaaffiup avataanut suliartortitaanerup nalaani, Danmark-imi kommunimi Qitiusumik Inunnik

	Nalunaarsuivimmi najugaqartutut nalunaarsugaasut, qinnuigineqarneq malillugu, kingullermik Qitiusumik Inunnik Nalunaarsuivimmi (CPR-imi) najugaqartutut nalunaarsorneqarfigisimasaminni , Kalaallit Nunaanni kommunimi qinigassat allattorsimaffiannut ilanngunneqassapput. Ilanngunneqarnissaq pillugu qinnuteqaat, kommunimi pineqartumi kommunalbestyrelsimut tunniunneqassaaq, naalagaaffimmilu tamarmi ingerlanneqartuni qinersinerni aamma inuit qinersisinneqarneranni, qinnuteqartup, taamaallaat Kalaallit Nunaanni taasiumanera pillugu nalunaarummik imaqassalluni. <i>Imm. 4.</i> Qinersisartoq, imm. 3- mut ilaatinneqartoq, kommunit agguarneqarnerisa avataanni Kalaallit Nunaanni sumiiffinni kingullermik najugalittut nalunaarsugaasimaguni, qinersisartoq, qinnuteqarneq malillugu Kommuneqarfik Sermersuumi (Sermersooq Kommunimi) qinigassat allattorsimaffiannut
--	--

	ilanngunneqassaaq. Ilanngunneqarnissaaq pillugu qinnuteqaat Akileraartarnermut Aqutsisoqarfimmi (Kalaallit Nunaanni Namminersorlutik Oqartussat Akileraartarnermut Aqutsisoqarfianni) inunnik nalunaarsuisarfimmut tunniunneqassaaq, naalagaaffimmilu tamarmi ingerlanneqartuni qinersinerni aamma inuit qinersisinneqarnerini, qinnuteqartup, taamaallaat Kalaallit Nunaanni taasiumanera pillugu nalunaarummik imaqassalluni.« Imm. 3-5-imut tamatuma kingorna imm. 5-7-imunngussapput. 9. § 15, imm. 3-mi, imm. 5-inngortumi, »"Qinnuteqaat" «-ip siornagut: »"Imm. 1-4-mut malillugit«" ikkunneqarpoq.
§ 18 <i>Imm. 2. —</i> <i>Imm. 3.</i> Kalaallit Nunaanni kommunit aggornerisa avataanniittumut sumiiffimmut ukiup ingerlanerani nuuttut qinersisartut, aammalu §§ 13-imi	

aamma 15-imi maleruagassat malinnagit kommunip qinigassanut allattorsimaffianut ilanngunneqarsimasut, Nuuk Kommunimi nuuttunut qinigassanut allattorsimaffimmut ilanngunneqassapput.	
§ 26. --- <i>Imm. 2. ---</i> <i>Imm. 3.</i> Partiimik ataatsimik amerlanerusunut partiinut imaluunniit partiimut ataatsimut qineqqusaajutigaluni peqatigitillugu partiit avataasigut qineqqusaartoqarsinnaanngilaq. Qinigassanngortittoq kattuffinnut ataatsimit amerlanerusunut peqataasinnaanngilaq.	10. § 26, <i>imm. 3-mi</i>, oqaaseqatigiit pingajuattut aamma sisamaattut tulliuttut ikkunneqarput: »Kinaluunniit Kalaallit Nunaanni, tamatumunngalu peqatigitillugu naalagaaffiup sinnerani qinigassanngortissinnaanngilaq. Oqaaseqatigiinni siullerniit pingajuannut allassimasunut akerliusumik iliorsimasumik taasineq atunngitsuutinneqassaaq.
	§ 3 Inatsimmik nalunaarut nr. 1260, 27. august 2020-meersaq, kingullermik allanngortinneqartoq inatsisikkut § 1-ikkut inatsimmi nr. 2599, 28. december 2021-meersumi folketingimut qinersineq pillugu inatsimmi, ima allannguisoqarpoq:
§2. Qallunaat naalagaaffiannit atorfeqartitaasut naalagaaffiullu avataanut suliartoqqusaasut inuit, naalagaaffimmi aalajangersimasumik najugaqartutut isigineqarput. <i>Imm. 2. ---</i> <i>Imm. 3. ---</i>	1. § 2, <i>imm. 1-imi</i>, oqaaseqatigiit aappaattut tulliuttut ikkunneqarput: »Taamatuttaaq kalaallit Nunaanni Namminersorlutik Oqartussanit atorfeqartitaasunut inunnut aammalu naalagaaffiup

<i>Imm. 4.</i> Inuk najugaqateqartuq inummik imm. 1, 2 imal. 3-mipineqartumik, naalagaaffiup iluani aalajangersimasumik najugaqartutut isigineqassaaq, imaattoqarpat 1) --- 2) Katinnissamut imaluunniit inooqatigiittut nalunaarsorneqarnissamut piumasaqaatinik eqquutsitsippata aammalu aallannginnermi ineqatigiittut najugaqarfimmik pilersitsisimappata.	avataani suliaartortitaasunut, tamanna atuuppoq.« 2. § 2, imm. 4, nr. 2-mi, aamma § 96 a, imm. 5, nr. 2-mi atorunnaarsinneqarpoq: »nalunaarsugaasumik aapparinnissamut«.
§16. § 2-mut ilaatinneqartut qinersisartut, nunanilu allaniinnermut atatillugu Qitiusumik Inuit Allattorsimaffianni (CPR-imi) aallaqqasutut nalunaarsorsimasut, qinnuteqarneq malillugu kingullermik najukkamik nalunaarsugaaffimmi Qitiusumik Inuit Allattorsimaffianni (CPR) kommunimi qinigassat allattorsimaffiannut ilanngunneqassapput. Qinersisartut § 2, imm. 1-imi imaluunniit § 2, imm. 4-mi pineqartut tak. Imm. 1, aallartitaaneq sioqqutillaarlugu Savalimmiuni imaluunniit Kalaallit Nunaanni najukkamik nalunaarsorsimasut, pineqartup kingullermik najukkamik nalunaarsugaaffigisimasaani Kalaallit Nunaanni kommunit aggornerisa avataanni najukkamik nalunaarsugaasimappat, taava qinnuteqarnerup kingorna qinersisussat allattorsimaffiannut ilanngunneqassaaq Danmarikimi kingullermik najugarisimasap Qitisusumik Inuit	3. § 16, imm. 1, oqaaseqatigiit aappaat, atorunnaarsinneqarpoq.

MISSINGIUT

Allattorsimaffianni (CPR) allattorsimanera naapertorlugu. Qinnuteqaat allanneqassaaq immersugassamut Naalagaaffiup Iluani pissutsinut- aamma Ineqarnermut Ministeeriaqarfimmiit akuersissutigineqarsimasumut, kommunalbestyrelsemullu tunniunneqarluni. <i>Imm. 2-4. ---</i>	
	4. § 16-ip kingornagut tulluuttut ikkunneqarput: »§ 16 a. Qinersisartut, § 2, imm. 1, oqaaseqatigiinnut siullernut, imaluunniit § 2, imm. 1, oqaaseqatigiinni siullerni allassimasut naapertorlugit § 2, imm. 4-mut ilaatinneqartut, naalagaaffiullu avataani suliartortitaanerup nalaani, Savalimmiuni inuttut nalunaarsugaasut imaluunniit Qitiusumik Inunnik Nalunaarsuivimmi (CPR-imi) Kalaallit Nunaanni najugaqartutut nalunaarsugaasut, qinnuteqartoqarnera malillugu, kingullermik Qitiusumik Inunnik Nalunaarsuivimmi (CPR-imi) najugaqartutut nalunaarsugaaffigisimasami Danmarkimi kommunimi qinigassat allattorsimaffiannut ilanngunneqassapput.

	Qinnuteqaat, naalagaaffiup iluani pissutsinut aamma ineqarnermut ministerimit akuerisaasumi imersugassiami allattugaalluni, kommunalbestyrelsimut tunniunneqassaaq, naalagaaffimmilu tamarmi ingerlanneqartuni qinersinerni aamma inuit qinersisinneqarnerini, qinnuteqartup, taamaallaat Danmark-imi taasiumanera pillugu nalunaarummik imaqassalluni. <i>Imm. 2.</i> Qinersisartoq imm. 1- imut ilaatinneqarnersoq nalornissutigineqarpat, taamaallaat pisuni ataasiakkaani tamani imm. 1-imi piumasaqaatinik naammassinnittutut Qinersinermut Ataatsimiititaliamit isigineqarpat, qinersisartoq qinigassat allattorsimaffiannut ilanngunneqarsinnaavoq. <i>Imm. 3.</i> Imm. 1-imut ilaatinneqartumik qinersisartumik qinigassat allattorsimaffiannut ilanngussineq pillugu aalajangiineq, ullormi aalajangiiviusumiit ukiuni marlunni atuuppoq. Oqaaseqatigiinni siullerni
--	---

	eqqaaneqartup piffissarititap qaangiunnissaa sioqqullugu, qinersisartup nutaamik qinigassat allattorsimaffiannut ilanngunneqarnissaq pillugu qinnuteqaat tunniuppagu, aalajangiisoqarnissaata tunganut, piffissarititaasoq sivitsorneqassaaq.»
§ 17. Inunnik isumaginninnermi- nunanullu allanut ministerip qinersinermi ataatsimiittaliaq pilersipaa, aalajangersaallunilu tunngassuteqartunut pineqarput ukua: 1) qinigassat allattorsimaffianut ilanngunneqarneq § 16, imm. 2, 1)- 8)---Imm. 2-9.---	5. § 17, imm. 1, nr. 1-imi, »§ 16, imm. 2«-p kingorna ikkunneqassaaq: »§ 16, imm. 2, aamma § 16 a, imm. 2«.
§ 32.--- Stk. 2. Kinaluunniit qinigassanngortissinnaanngilaq kommuuneqarfissuarmi angisuumi ataatsimiit amerlanerusuni. Kinaluunniit qinigassanngortissinnaanngilaq partiimi ataatsimiit amerlanerusuni, qinigassanngorteqqaatigaluni partiip avataani. qinigassanngortittumik qinersinermi saqitsaannertaqarpat atuussinnaassanngilaq. Imm. 3.---	6. § 32, imm. 2-mi, oqaaseqatigiit siulliit sioqqullugit oqaaseqatigiittut nutaatut uku ikkunneqarput: »Kinaluunniit ataatsikkoortillugit Danmark-imi naalagaaffiullu ilaasa sinnerini qinigassanngortissinnaanngilaq.«
§ 96 Kinaluunniit Folketinngimut qinersisinnaasoq qinigassat allattorsimafianni ilanngunneqartoq, aamma pisinnaatitaaffeqarpoq inuit taasisinneqarnerini	7. § 96, imm. 1, oqaaseqatigiit aappaanni, »§ 96 a« allanngortinneqarpoq imaalillugu: »§§ 16 a aamma 96 a«.

peqataanissaminut. Inuit aalajangersimasumik naalagaaffimmi najugaqartut, piffimmi inunnik taasisitsisoqarfiunngitsumiittut, taaseqataasinnaanngillat, takuulli § 96 a. <i>Imm. 2. ---</i> <i>Imm. 3. ---</i> § 96 a.--- <i>Imm. 2-4.</i>--- <i>Im. 5.</i> Inuk inooqateqaruni najugaqatigisaminik imaritinneqartumi imm. 2, 3 imaluunniit 4, isigineqassaaq Danmarkimi aalajangersimasumik najugaqartutut, imaappat inuit taakku marluk inooqatigiippata 1)--- 2) piumasaqaatinik naammassinnissimappata katissimanermik imaluunniit aappariittut nalunaarsorsimappata, najugaqatigiillutillu avammut aallannginnerup nalaani.	
§ 106. <i>Imm. 2.</i> Inatsisitigut pisinnaatitaasut pisussaataasullu pillaasussanngortinneqarsinnaappu t pillaatissarnermut inatsimmi kap. 5-imi inatsisit malillugit, ukuninnga unioqqutitsisoqarnerani, § 12 c, § 32 a, § 51, imm. 2 aamma § 62, imm. 2 <i>Imm. 3. ---</i>	8. § 106-imi imm. 2-ip kingornagut makku immikkoortut nutaatut ikkunneqarput: »<i>Imm. 3.</i> Inatsisit allat malillugit annerusumik pillaatissiissuteqanngippat, qinersinermi imaluunniit inunnik qinersisitsinermi, ataatsikkoortillugit Danmark-imi aamma naalagaaffiup ilaasa sinnerini, taasisimappat imaluunniit

MISSINGIUT

	qinigassanngortissimappat, akiliisitaanermik imaluunniit qaammatit sisamat tikillugit parnaarussaanermik, taanna pillarneqassaaq.« Imm. 3 tamatuma kingorna imm. 4-nngussaaq.
--	---